

## **PROCESVERBALI**

Nga mbledhja IV-të e Kuvendit të Komunës, mbajtur më 15.03.2018, duke filluar nga ora 10:10, në sallën e Kuvendit të Komunës së Prizrenit.

Në këtë mbledhje ishin të pranishëm 40 anëtarë.

Të pranishëm ishin edhe përfaqësuesit e shoqërisë civile, OSBE-ja, Zyra e EULEX-it, KFOR-it dhe përfaqësuesit e medimeve.

Mbledhjen e hapi dhe e kryesoi Artan Abrashi, kryesues.

Për këtë mbledhje janë paraparë këto pika për:

### **R E N D D I T E**

- 1. Miratimi i procesverbaleve nga mbledhjet e Kuvendit të datave: 15 janar 2018 dhe 05 shkurt 2018;**
- 2. Shqyrtimi dhe miratimi i rendit të ditës të propozuar;**
- 3. Pyetjet e kuvendarëve dhe ngritja e çështjeve të ndryshme;**
- 4. Shqyrtimi i propozimvendimit për rishqyrtimin e vendimit të Kuvendit të Komunës nr.01/011-20457 i datës 05.02.2018, për themelimin e Komitetit për Politike dhe Financa dhe për emërimin e anëtarëve të këtij Komiteti;**
- 5. Shqyrtimi i propozimvendimit për rishqyrtimin e vendimit të Kuvendit të Komunës, nr.01/011-20465 i datës 05.02.2018, për themelimin e Komitetit për Komunitete dhe për emërimin e anëtarëve të këtij Komiteti;**
- 6. Shqyrtimi i propozimvendimit për themelimin e këshillit dhe emërimin e anëtarëve të Këshillit për fshatin Zym të Hasit;**
- 7. Shqyrtimi i propozimvendimit për dhënien në shfrytëzim të pronës komunale për bartjen e pjesshme të Ministrisë së Kulturës në Prizren;**
- 8. Shqyrtimi i propozimvendimit për formimin e Komisionit vlerësues të pronës;**
- 9. Shqyrtimi i propozimvendimit për formimin e Komisionit të ankesave;**
- 10. Shqyrtimi i propozimvendimit për dhënien e pronës komunale në shfrytëzim pa kompensim, kompanisë KEDS-it.**

## **Pika e parë**

### **1. Miratimi i procesverbaleve nga mbledhjet e Kuvendit të datave: 15 janar 2018 dhe 05 shkurt 2018.**

Pas vërejtjeve nga Simir Krasniqi, në emër të grupit parlamentar të PDK-së, kryesuesi konstatoi se me 26 vota për, dhe 13 abstenime miratohen procesverbalet të datës 15 janar dhe 05 shkurt 2018.

## **Pika e dytë**

### **2. Shqyrtimi dhe miratimi i rendit të ditës të propozuar.**

Kryesuesi e hapi diskutimin për rendin e ditës

**Alush Shala (PDK):** Pati vërejtje në rendin e ditës, për shkak se nuk është marrë pëlqimi nga KPF-ja. Kërkoi sqarime pse nuk është bërë takimi me shefat e grupeve parlamentare, që të njoftohen për këtë rend dite.

**Nazife Kokollari (LVV):** Theksoi se pika e shatë dhe pika e dhjetë e rendit të ditës duhet të votohen, sepse janë në interes të qytetarëve. Mirëpo duhet respektuar parimet themelore për dhënien e pronës komunale në shfrytëzim. Po ashtu të jetë në harmoni me planin zhvillimor, si dhe t'i plotësoi kriteret dhe kushtet mjedisore urbanistike. Gjithashtu edhe pika e tetë dhe pika e nëntë duhet të votohet, pasi që na obligon edhe ligji. Gjithashtu është e rëndësishë së veçantë tu sugjerohet dhe rekomandohet anëtarëve të komisioneve përkatëse, që sa herë të ndeshen në konflikt interesi me palën ofertuese apo ato palë që bëjnë ankese, ti deklarojnë këto konflikte interesi që vendimmarrja të jetë sa më kredibile dhe transparente.

**Shukri Quni (PDK):** Nuk e di a jemi në pika, apo jemi duke e përgatit rendin e ditës. Nuk keni nevojë me na jap leksione kënd me votua, sepse për secilën pikë kemi më fol veç e veç. Po ashtu kërkoi sqarime rreth komuniteteve p.sh. se për çka kanë ardhur deri këtu. Tjerat a votohen a nuk votohen, ajo është diçka tjetër.

**Ilir Baldedaj (AAK):** Kërkoi që të hy në rend ditë edhe një kërkesë për hapjen e procedurave për themelimin filarmonisë të komunës së Prizrenit. Është mirë sepse ata vërtetë bëjnë një punë të jashtëzakonshme, që sa vite, në kuadër të OJQ-ve. Ata kërkojnë të fillojnë procedurat për filarmoninë. Është e paraparë me ligjet e Republikës së Kosovës. Sepse e kemi teatrin profesional të themeluar në Prizren në një formë të tillë. Është mirë që si Kuvend ti hapim procedurat dhe pastaj ata le ta kryejnë punën e tyre.

**Kryesuesi:** Një propozim i tillë paraprakisht e dini që duhet përgatitja e materialeve, të shqyrtimit të ligjit. Mendoj që kuvendi nuk është gati ta fus si pikët të rendit të ditës. Le të jetë si propozim i cili do të shqyrtohet në një ndër mbledhjet e ardhshme. Sa i përket shqyrtimit të propozimvendimeve të dy komiteteve që janë themeluar në mbledhjen e kaluar. Janë për shkak të vendimit të MAPL-së. E para ka të bëjë me mosplotësimin e kuotës gjinore, që do të shqyrtojmë më detajisht. Kurse e dyta për mos përfshirjen e një komuniteti, respektivisht komunitetit goran. Ne e kemi mbajtur takimin me shefat e grupeve, pak a shumë i kemi prekur pikat e rendit të ditës. Në përjashtim të pikës për dhënien në shfrytëzim të pronës komunale të kompanisë KEDS. Fjala është për objektin kolektivë që gjendet në Petrovë. E dini shumë mirë sidomos ju anëtarët e vjetër të Kuvendit, keni qenë të njoftuar. Se nuk ka mund të bëhet bartja e shumë familjeve dhe të bëhet shfrytëzimi i atij ndërtimi, për shkak të mungesës së energjisë elektrike. Po, do ta shqyrtojmë më detajisht në rendin e ditës.

**Shkodran Kryeziu (PDK):** Këtu po i shoh mediat, mirëpo që dy seanca nuk është duke u përcjellë drejtpërdrejtë seanca e Kuvendit.

**Kryesuesi:** Tashmë ka filluar procedura dhe së shpejti do të hapet edhe tenderi, sepse është nënshkruar edhe vendimi. Brenda muajve do të përzgjidhet operatori, sipas ligjeve të prokurimit dhe do ta kemi transmetimin drejtpërdrejtë të seancave. Sepse siç e dini i ka kaluar kontrata operatorit dhe proceduralisht duhet të hapet e re. Shumë shpejt do ta kemi se është obligim ligjor. E hedh në votim rendin e ditës, kush është për.

Për? – 39.

Kundër? – 1.

Abstenime? – S’ka.

Atëherë konstatojmë se me shumicë votash për, dhe një kundër miratohet rendi i ditës për këtë mbledhje.

**Pika e tretë:**

**Pyetjet e kuvendarëve dhe ngritja e çështjeve të ndryshme.**

Kryesuesi, kërkoi nga anëtarët që ta respektojnë rregulloren e cila është ndryshuar në mandatin e kaluar. Për këtë rend dite janë paraparë dy minuta për secilin anëtar, që dëshiron të ngrit ndonjë çështje dhe të bëjë pyetje drejtorëve të ekzekutivit.

**Alush Shala:** Theksoi se pasi që është fillimi i seancave, në raste të caktuara do të ishte mirë të shtohet edhe një minutë, nëse pranoni. Pyeti përse

nuk është bërë një ftesë zyrtare për komunën e Prizrenit, për ditën e verës, kur dihet që është votuar nga ky Kuvend. Për Drejtorin e Shërbimeve Publike, theksoi se fjala është të rehabilitimi i shumë rrugicave. Ceku se të gjitha rrugët duke përfshirë edhe qendrën, janë mjaftë keq. Po ashtu edhe rruga nga Bazhderhanja e deri të transiti i ri, janë bërë qindra e qindra gropa, nëpër të cilën po kalojnë më mijëra nxënës, sidomos të shkollës fillore. Realisht e kanë problem me dal në qytet pa u spërkat nga automjete të ndryshme. Pastaj, një kërkesë tjetër për Drejtorinë e Inspektoratit. Edhe pse kërkesa ime ka qenë edhe në legjislacionin e kaluar. Kur bëhet fjalë për vendin e ish-Benafit ku ka qenë vërtetë një varrezë makinash dhe një pasqyrë shumë e keqe për qytetin e Prizrenit, dhe në përgjithësi në komunën tonë. Po ashtu edhe shumë automjete të cilët janë për bartjen e kufomave, të cilët kanë zënë një vend mjaftë të rëndësishëm në pika kyçe nëpër çdo hyrje të qytetit, që ta qojnë mallin se këtu veç duhet me vdek, se tjetër punë s'ka komuna e Prizrenit. Andaj kisha kërkuar që një mënyrë të largohen, apo t'ju sigurohet një vend i caktuar. Gjithashtu kërkoi nga kryesuesi, nga drejtorët, dhe sidomos nga drejtoria përgjegjëse që të bëhet eliminimi i qeneve endacak apo si e përdorim në gjuhën, zbutja e tyre nëpër strehimore të caktuara. Në këtë drejtim do ta keni përkrahjen e kuvendarëve edhe të PDK-së. Nëse është e nevojshme të mbahet edhe seancë e jashtëzakonshme në lidhje me këtë çështje. Po ashtu kërkoi që urgjentisht të bëhet sa më parë riparimi i rrugës nga T&A që lidhët me autostradën. Sepse aty ka filluar edhe hedhja e mbeturinave, që kanë filluar ta bllokojnë edhe atë rrugë.

**Agnesa Sinanaj (AAK):** Në koordinim me kryetarin e fshatit tim dhe këshillit të prindërve, më është kërkuar që të shqyrtoj çështjen e kërkesë që i është bërë kryetarit. Pasi që ai nuk qenka këtu, atëherë po ju drejtohem juve kryesues. Nga kryetari i komunës është kërkuar, që të zhvilloj të gjitha procedurat ligjore për shpallje të interesit të përgjithshëm të lokacionit të pronës me nr. 2516ZK Vermicë-Shkozë. Me qëllimin e ndërtimit të objektit të ri shkollor në fshatin Shkozë, në të cilën sipërfaqja është një hektar. Arsyetimi është se shkolla ekzistuese, e cila ka qenë para luftës është e ndërtuar me vetë financim nga fshatarët e Shkozës, jo me mjete të komunës, nuk i plotëson kushtet për zhvillim normal të procesit mësimor. Si dhe e njëjta është pa leje në lokacionin e Pylltarisë me nr. Kadastral 2520. Në vitin 2016, ka qenë një projekt i ndërtimit të shkollës, ku dhe janë ndarë mjete për një objekt të tillë. Mirëpo, për shkak të lokacionit i cili nuk ka qenë pronë komunale është anuluar projekti. Ne e kemi gjet një lokacion të ri, i cili mendojmë që do ti plotësoj kushtet për një proces mësimor. I njëjti lokacion është pronë e Pylltarisë, pasi në fshatin Shkozë nuk ka pronë komunale. Andaj kërkojmë nga Kryetari që ti fillojë të gjitha procedurat ligjore, që ky lokacion të shpallet interes komunal nga asambleja komunale. Gjithashtu një kërkesë të ngjashme ia kemi dërguar edhe Drejtorisë së Arsimit edhe Drejtorisë për Gjeodezi dhe Kadastër. Vetëm desha

me ju pyet, se a jeni marrë pak me këtë punë. Se unë e di se ju ka bërë këtë kërkesë edhe më herët kryetari i fshatit. Dhe çka mendoni të bëni në lidhje me këtë. Ndoshta është pak herët për këtë që po e kërkoj unë. Po më mirë është prej tash me ia nisur procedurave. Që, kur të ndahet buxheti, me qenë e planifikuar kjo shkollë.

**Kryesuesi:** Theksoi se kërkesa është dorëzuar zyrtarisht për lokacionin e ri. Kjo çështje do të procedohet së bashku me Drejtorinë e Arsimit, i cili do të bëjë vlerësimin, edhe të gjendjes ekzistuese dhe do të arrihet deri tek ndonjë përfundim. Po ashtu besoi që do të ndërmerren masa ta përcaktojmë një periudhë kohore. Por, në qoftë se çështja është vetëm te Kuvendi me marrë vendim për me shpalla interes publik, kjo nuk është problem.

**Haziz Hodaj (LDK):** Fatmirësisht furnizimi me ujë 24 orë, ka qenë premtim elektorale, i kandidatëve për kryetar komunës së Prizrenit. Besoj që edhe kryetari i zgjedhur e ka këtë prioritet. Kërkoj nga kryetari që të merret me këtë çështje, në mënyrë që në rishikim të buxhetit të parasheh një shumë të mjaftueshme të mjeteve që brenda vitit të shikohet dhe ti jepet mundësia qytetarëve që të furnizohen me ujë 24 orë. Në këtë drejtim, kam një pyetje konkrete për drejtorin e Infrastrukturës. Është ndërtuar një rezervuar i ujit në Gjonaj, që katër, pesë-vjet, mirëpo ende nuk është në funksion. Tu kisha lutur që të merresh me këtë problematikë. Ta ftosh drejtorin e Hidroregjionit dhe ti koordinoni punët. Sepse ata e kanë krye një pjesë të punimeve atje. Po ashtu edhe komuna ka investua aty, në mënyrë që ai të funksionalizohet dhe të furnizohen qytetarët me ujë.

**Nazife Kokollari:** Parashtroi pyetje për drejtoreshën e Shëndetësisë a ka njohuri, se drejtori i Qendrës kryesore të MF-së, transportin për në QKMF e bënë me veturë zyrtare të komunës së Prizrenit. Në të njëjtën kohë kryen edhe nevoja personale me këtë veturë. A është e drejtë e tij të veprojnë kështu. Po ashtu i drejtohem edhe drejtorit të Shërbimeve Publike. Në rrugën “Janina” vazhdimisht ka reduktime të ujit me orë të tëra. A është në kompetencë tuajën që të intervenohet në sanimin dhe përmirësimin e gjendjes.

**Sadije Jakupi (LDK):** Kërkoj një listë të pronave që posedon komuna, edhe në qoftë se ato janë në shfrytëzim. Ndërsa një kërkesë kamë nga ana e banorëve të lagjes Ali Pashë Tepelena, e cila që dy vite nuk kanë qasje në rrugën kryesore që lidh hyrjen në qytet nga pjesa veriore. Kjo ngase rruga është e bllokuar nga një person i cili pretendon se e ka blerë parcelën, duke e mbyllur rrugën. Përkundër ankesave të vazhdueshme nga ana e banorëve për gjetjen e një zgjidhje, për t’ju rregulluar rruga, për të zhvilluar një jetë normale, ende nuk është bërë asgjë në këtë drejtim. Nga qeveria e kaluar lokale ka pasur vetëm premtime se do të zgjidhet kjo çështje. Sidomos premtimet kanë qenë të



theksuara gjatë fushatës elektorale. Deri në atë masë sa që kanë arritur marrëveshjen me pronarin e tokës. Për njëloj shpronësimi në mënyrë që do të bëhet rregullimi i rrugës nga infrastruktura përcjellëse. Duke filluar nga kanalizimi dhe ndriçimi i rrugës. Gjendja e banorëve të kësaj lagje, gjithnjë e më shumë po bëhet më e padurueshme ngase aty ka mbi 200 familje. Ka pleq të cilët kanë nevojë për një përkujdesje shëndetësore. Fëmijë, të cilët ndjekin shkollën fillore në lagjen Dardania. Ata kanë pengesa për të kaluar rrugën për të shkuar në shkollë. Kërkoj nga ju kuvendarë, ju drejtorë përkatës dhe kryetari i komunës, që ta marrin seriozisht këtë problem, duke u angazhuar në zgjidhjen e tyre. Më vete kam edhe nënshkrimet e 200 familjeve që kërkojnë zgjidhjen sa më parë të këtij problemi. Çështja e dytë, ka të bëjë me çerdhen "Yllka". Duke e ditur se qyteti jonë kishte dikur një çerdhe publike "Yllka", tashmë të privatizuar, kjo çerdhe ka pas si pronë edhe dy lokale, të cilat gjenden në lagjen Lakuriq, të cilat kanë qenë para tri viteve në funksion të parashkollorëve në kuadër të Karitasit zviceran. Unë nuk e di sa jeni të njoftuar, por ky problem i takon Drejtorisë së Arsimit, sepse janë pronë e tyre. Më një investim të vogël mund të aktivizohen dhe të përfshihen mbi 100 parashkollor. Kërkoj nga Drejtoria e Arsimit të hulumtohen, se ku gjenden çelësat, dhe t'ju kthehen në shërbim apo janë të mbyllura këtu dy objekte.

**Mimoza Bushrani (LVV):** Kërkoj nga Drejtoria e Shërbimeve Publike që të intervenoi në disa rrugë të lagjes Guriashta. Banorët e kësaj lagje ka vite që bëjnë një jetë për keqardhje për mungesë të kanalizimit, të ujit dhe të ndriçimit publik. Më të drejtë po e presin që kjo Drejtoria të tregohet më humane, sepse fëmijët kanë probleme për të shkuar në shkollë, po ashtu edhe të punësuarit, për shkak të baltës. Një pjesë e këtyre banorëve, siç e dini ende kanë mbetur të ngujuar, sepse qarkullimi me vetura u është bërë e pamundur.

**Ganimete Hoxha Babuna (Nisma):** Kërkoj nga kryetari i Komunës dhe drejtori i Shërbimeve Publike që urgjentisht problemi për ujin e pijes të zgjidhet në disa lagje të fshatit Vlashnje. Me vite të tëra vuajnë nga mungesa e burimit më kryesor për jetë, siç është uji i pijes. Të jenë taksapagues të rregullt ndaj komunës dhe të sprovohen nga kjo padrejtësi që ju bëhet me vite të tëra këtyre banorëve të këtyre lagjeve, nga qeverisja e kaluar është më së mëkat. Këtë kërkesë vazhdimisht këta banorë e kanë adresuar në Hidroregjionin e Prizrenit, të ish- kryetari i komunës, të drejtori i Shërbimeve Publike edhe në këtë Kuvend. Unë personalisht po thuaj se në çdo seancë e kam përsërit këtë çështje. Në çdo planifikim buxhetor kuvendarët e Nismës, e kanë propozuar si prioritet të ujit të pijes edhe në këtë lagje, por edhe në tërë qytetin e Prizrenit. Por fatkeqësisht qeverisja e kaluar nuk i ka trajtuar dhe nuk i ka respektuar njëjtë qytetarët e Prizrenit. Por ka vepruar mbi kriteret politike dhe klienteliste. Andaj ju kisha lut që të veproni sa më shpejtë që është e mundur, në zgjidhjen e

problemit të këtyre banorëve të këtyre lagjeve që i ka stërmunduar me vite të tëra.

**Azem Durmiši (NDS):** Postavi u direktno tri pitanja: Direkciji za Admnistraciju, Sektor Imovinske Pravne Službe. Od 2012 dhe 2013 godine, vodi se problem oko izuzimanja iz Agencije za privatizacije prostorije koje su nekada bile pod nadležnosti bivše OOUR preduze e „Lirija“. Bio je podnet zahtev. I koliko sam upoznat da je taj zahtev usvojen i želim da mi odgovori, dokle se stalo, i zašto da te prostorije konkretno u selu Manastirici u selu Re ane, u katastru se ne vode pod ime opštinske imovine. Nego i dalje stoje pod ime „Lirija“. Drugo pitanje, direktoru za Javnu Službu. U prošlogodišnjem rebalansa budžet prošao oko poplo avanja. I trabalo je još krajem prošle godine taj projekat da se realizuje. Me utim, zbog ega nije realizovan. Pa bih hteo da budemo konkretni da odgovorimo na ta pitanja, da budemo precizniji kada e taj projekat po eti realizovati. I pitanje još jedno za Direktorijata za Bezbednost i Emer encu. Upoznat sam da pre pet godina su izgra eni istureni objekti izvan regiona Priren. Konkretno jedan objekat se nalazi izme u na relaciji izme u Re ane-Prizren. Objekat koji e služiti za te svrhe. A i dan danas je zatvoren. Pa bih hteo da dobijem odgovor od direkcije. Da li e taj objekat biti nekaga pušten u funkciji. I primedba na broj lanova komiteta za KPF-je. Na osnovu ovog dokumenta koji se daje na danas predlog glasanja. Ne možemo se mi složiti kao najbronija zajednica u opštini Prizren, posle albanske zajednice. Da u tom komitetu izostaje lan bošnjake zajednice. Kako je primedba direktno upu ujem javno uredu Premijeru, pošto nadoknada za te lanove za rad izdvaja se direktno iz kancelarije direkcije ureda Premijera. A koje Premier ima u vidu da ne rasipa budžet za lanove komiteta. A meni je nekako nepomenjivo da premijer je po eo da postavlja zamenike i ministre koliko god ho e. A da ovde umanjuje broj lanova. Ranije je bilo da u KPF-je, broj lanova komiteta iznosi 1/3 od ukupan broj odbornika. Me utim sa novim pravilnikom ovde je ograni eno ta no za devet lanova. Ja smatram da majinska zajednica diskriminisani povodom ove brojke. Jer je ovde konkretno specifi nost bar u Prizrenu. Da smo najbrojni posle albanske zajednice. A u tom komitetu mi da ne pripadnemo. To je malo absolutno.

**Kryesuesi:** Sa i përket çështjes së fundit do ta diskutojmë në pikën e radhës, për të arritur deri tek një zgjidhje më të mirë për të përfaqësuar. Gjithmonë duke i pasur udhëzimet administrative të cilët neve na detyrojnë ti respektojmë.

**Lirije Bytyqi (Nisma):** Kam një pyetje për drejtorin e Shërbime Publike. Banoret e lagjes Martin Camaj afër shkollës speciale “Lef Nosi”, ankohen se aty gjendet një deponi mbeturinash, e cila njëherë në muaj pastrohet. Po ashtu aty po mblidhen qentë endacak, ku banorët e kësaj lagje janë shumë të rrezikuar.

Andaj, a do të merrni masa që kjo deponi mbeturinash të eliminohet dhe të mos ekzistoj më.

**Memnuna Ajdini (Vakat):** Ovim prilikom želim da dam jedan predlog. Radi se o jednoj neformalnoj grupi. Obzirom da u predzodnom mandatu imali smo neformalnu grupu žena. Moj je predlog da što pre oformimo ovu grupu, sa kojim bi dali kvalitetnije u eš e žena u vom domu. Pokretali bi odre ena pitanja koja se posebno odnose za žensku populaciju. I u vezi toga ja bi zamolila kolegince da nakon ove skupštine sednemo nekoliko vremena, i da damo odre ene predloge, kako da to oformimo. I da na taj na in uzememo malo kvalitetne u eš e. Pitanje, jedno sada za direktora za Bezbendost. Vezano sa klizište uselu Nebregošte. Dokle se stiglo. Obzirom da je situacija još uvek ozbiljna. I da zahteva što hitniju intervenciju i sanaciju. Tako e pitanje sada za direktora za javne usluge. Kada e biti asvaltirane rupe koje su otvorene zbog uvo enih radova, na kolovozu u deonici kod Maraša. Obzirom da može da ugroze bezbednost saobra aja. Dakle to se nalazi na ulazu u Prizren iz smera Župe. Te zahtevam da što hitniji se te rupe zatvore. Što se ti e ostalih pitanja za komitete, tako e imam primedbe. I to u kasnije se uklju iti.

**Dafina Billaca (PDK):** Para se të filloj atë që e kam përgatit, ndjej keqardhje për përgëzimet e pozitës, për shtrimin apo asfaltimin e disa rrugëve. Ku aty nuk shoh ndonjë përparim apo diçka të mirë, por shoh vetëm disa gjepa, të cilët keni filluar vetëm ti arnoni. E nëse keni filluar të kënaqeni me këto punë, nuk e di se sa presin qytetarët e Prizrenit prej juve. Ndërsa sot më lejoni që të ngrejë një çështje mjaftë delikate të ndjeshme në fushën e arsimit, duke qenë të vetëdijshëm se arsimi është shtylla bazë e një shteti dhe shoqërie të zhvilluar. Në vitin 2006 është ndërtuar shkolla “Ibrahim Fehmiu” në Arbanë, nën qeverisjen e atëhershme të LDK-së. Kjo shkollë që nga fillimi i ndërtimit të sajë nuk i ka plotësuar kushtet e nevojshme për të zhvilluar një mësim të mirëfilltë. Një projekt joprofesional ka bërë që kjo shkollë që nga fillimi të ballafaqohet me vështirësi të ndryshme. Duke filluar që nga çatia e sajë, ku gjatë reshjeve të shiut punëtorët teknik çdo herë detyrohen të vendosin kova apo gjësende të ndryshme nëpër korridore të kësaj shkolle. Pos këtij problemi të çatisë, një shqetësim tjetër është edhe mungesa e sallës së edukatës fizike, ku mbi 1300 nxënës të shkollës “Ibrahim Fehmiu”, dëgjojnë vetëm pjesën teorike të kësaj lënde nga mësimdhënësi i tyre. Duke mos pasur mundësi që të zhvillojnë aktivitetet e nevojshme të kësaj lënde. Mungesa e aktivitetit fizik, po shkakton tek nxënësit probleme shëndetësore, si deformimet fizike, që është vërtetuar edhe në bazë të vizitave sistematike mjekësore. Duke i marrë parasysh këto dy fenomene mjaftë serioze dhe më së të nevojshme, i drejtohem drejtorit të Arsimit z. Skender Susurit. A jeni i informuar me gjendjen e kësaj shkolle.

Duke e ditur se në planifikim buxhetor është paraparë ndërrimi i kulmit, ku janë të destinuara 26.500.00 € Kur do të filloj realizimi i ndërrimit të kulmit.



Dhe si do të zgjidhni çështjen e mungesës së sallës së edukatës fizike. Ku në këtë shkollë të lagjes Arbanë, në bazë të dhënave kemi rritje të vazhdueshme të nxënësve.

**Sherife Balaj (PDK):** Unë po nisëm prej pikës dhjetë, sepse kjo pikë është mjaftë e rëndësishme. Për të cilën është dashtë sa më shpejt të kryhen të gjitha procedurat dhe këto familje të cilat janë përfituese, dhe punën të cilën e kemi bërë tash e disa vite për strehimin e gjithë familjeve në nevojë. Disa prej këtyre përfituesve, disa prej familjeve që janë më me nevojë gjenden në objektin e ish “Farmakosit”, objekt i cili është mjaftë i amortizuar. Për mos me shkua në raste edhe të fatalitetit, kërkoj që sa më shpejt të përfundoni me këto procedura dhe të vendosen. Sepse janë disa procedura administrative për vendosjen e kësaj trafo. Gjithçka është e përfunduar qysh e keni pa edhe vetë. Qeverisja e kaluar nuk ka bërë punë të këqija qysh keni thënë çdo herë nëpër media, dhe keni proklamua gjëra të tilla. Po na kemi punua, edhe ato familje veç janë krye procedurat e përzgjedhjeve dhe përfituesve. Dhe sa më shpejt të kryhet edhe kjo trafo edhe të vendosen ato familje. Ndërsa pyes drejtorin e DKA- së, për objektin e shkollës “Pjeter Budi” në Dedaj. Është shkollë e përfunduar, mirëpo nxënësit që dy herë përgatiten për mu vendos në atë objekt. Përgatiten edhe me programet festive dhe kthehen mbrapa. E presin 7 Marsin, e presin qershorin, ndoshta tash edhe shtatorin. Kërkoj që të vendosen sa më shpejt në objektin e ri. Ndërsa një shqetësim tjetër është që e kam hasur tek Administrata e komunës së Prizrenit. Ku kam shkua për të bërë një kërkesë për mbështetje financiar për një foshnje e cila ka pas nevojë shëndetësore jashtë vendit. Kam has në rezistencë për hy në objekt, se le më bë kërkesën. Ata të sigurimit që i keni vendos aty më kthejnë mbrapa, pa më pyet se kush jam dhe çka kërkoj aty. Ndoshta i keni përzgjedh që më subjekte politike i keni distanca, edhe i keni përzgjedhë kënd me lënë me hy në objekt të komunës edhe kënd mos me lënë. Po pas disa sqarimeve, u dashtë me telefonata që lejoni me hy, që nuk jam e armatosur dhe kurrjë nuk bëjë këtu. Po sido që të jetë arrita, për mi ndihmua në fakt asaj familje dhe me shkua deri te drejtori përkatës. Dhe besoj që e keni shqyrtuar këtë kërkesë në bordin e drejtorëve. Dhe kurrjë tjetër nuk nevojitet veç vullnet i mirë. Qysh e kemi nda edhe ne vullnetin e mirë, edhe i kemi ndihmuar rasteve të tilla. Që ajo foshnje më gëzua mbështetjen e tillë edhe me plotësuar atë shifrën marramendëse prej 70.000.00 € që ju kanë kërkuar vetëm për diagnostifikim të sëmundjes. Është një foshnje dy muajshe e cila më të vërtetë ka nevojë.

**Ilir Baldedaj:** Parashtrori pyetje për drejtorin e Urbanizmit, se a ka vendim të lejeve për ndërtim në komunën e Prizrenit. Ju thirrreni se kanë një vendim të gjykatës, mirëpo gjykata nuk e ka ndërpre në tersi planin rregullativ të komunës së Prizrenit, por në tri lokacione. A ka vendim kryetari i komunës

për këtë gjë, apo ka deklaruar për media sa për konsum të publikut, e ka thënë një gjë të tillë.

Po ashtu kisha dashtë të pyes për çështjen e teleferikut, sepse ka zgjatë më shumë se lufta e dytë botërore. Është pjesë e cila është votua nga asambleja komunale dhe është projekt i asamblesë komunal. Ftoi kryetarin e komunës, nëse thirrën në transparencë. Sepse e ka një vendim të OSHP-së, i cili e ka themeluar kryetari i komunës një komision për rivlerësim të teleferikut. Le të na bjen në asamblenë komunale të gjithë operatorët dhe ta shohim. Sepse në byrotë projektuese që unë kam pas kontakt, nuk flitet për ndonjë lokal që kryetari i komunës e arsyeton në 400 metra katrorë restorant mbi kala. Dhe unë nuk kam parë një gjë të tillë. Po nëse ka kryetari i komunës, le të na sjell në asamble komunal. Besoj që nga psikologu ndoshta është bërë edhe inxhinier tash në kohën e fundit. Po ashtu dua të pyes a është dhënë leja për pishinën olimpikë. Sepse nëse kryetari i ka pezulluar të gjitha lejet, atëherë edhe ju drejtorët nuk besoj që do të mundë të pajisni me leje për drejtoritë e juve në të cilat keni punë, për ti kryer në shërbim të qytetarëve.

**Antigona Bytyqi (PDK):** Ngriti dy çështje, të cilat janë mjaftë shqetësuese për banorët e fshatit Hoçë e Qytetit. Çështja e parë ka të bëjë me ndërtimin e dy urave. Njëra në hyrje të fshatit dhe tjetra më poshtë. Ku ndërtimet e tyre mbi lumin e Hoçës kanë rëndësi shumë të madhe. Sepse ura e parë ekzistuese, e cila është një urë e improvizuar, lidh dy lagje të fshatit. Kurse e dyta lidh fshatin me fshatrat e Vrrinit. Po ashtu ndërtimet e mureve në të dy anët e lumit janë më së të nevojshme. Sepse do të shërbenin për të mbrojtur një pjesë të madhe të fshatit nga vërshimet, që shpesh ndodhin nga ujërat e këtij lumi. Duke shkaktuar dëme për komunitetin edhe në tokat bujqësore të tyre. Ne shpresojmë shumë që kërkesa do të realizohet, në mënyrë që evitohen këto probleme dhe të krijohen kushte ideale, për të pasur mundësi të shfrytëzohen edhe trojet e pashfrytëzuara deri më tani. Kurse shqetësimi i dytë vjen nga banorët e lagjes Shala, ku ekziston një mur që është në rrënim e sipër dhe paraqet rrezik permanent për banorët e kësaj lagje. Kjo rrugë frekuentohet vazhdimisht nga këta banorë. Prandaj kërkojmë që të veprohet sa më shpejt që është e mundur, që muri ekzistues të rrënohet dhe të ndërtohet një mur i ri. Sepse dita ditës ai po shkatërrohet. Andaj mos të vijë deri te humbja e jetës të ndonjë banori të kësaj lagje. Mendoj që këto ndërtime mund të realizohet, duke u projektuar nga organet përkatëse komunale. Dhe që këto projekte të planifikohen duke inspektuar në vendngjarje, në mënyrë që të merren informacione faktike dhe sa më të sakta.

**Petrit Hoxhaj (LDK):** Kërkesën e kuvendares Ganimete Hoxha, e përkrahi fuqishëm. Ku edhe gjatë katër viteve të kaluar kjo e ka ngrit shqetësimin për mungesën e ujit të pijshëm në fshatin Vlashnje. Mirëpo, unë jo rastësisht në seancën e parë, nëse s'gaboj, kërkoja që sa më shpejt të zgjidhet

kryetari i fshatit Vlashnje, pasi që nuk ka që askush të bëjë kërkesa në Kuvend komunal për problemet e këtij lokaliteti. Zgjedhjet lokale që shkuan, premtimet elektorale të kandidatit për kryetar i kemi shumë të freskëta. Ku premtuan se do të jenë në shërbim të qytetarit, pa dallim etnie, përkatësie fetare, apo edhe bindje politike. Sot nga kjo foltore e këtij Kuvendi dua të ngrisë zërin dhe shqetësimin tim për dy probleme që kanë zgjatur me vite të tëra nga qeverisja e kaluar e PDK-së. Fatkeqësisht i njëjti avaz ka filluar edhe nga kjo bashkëqeverisje që jemi. Me vite të tëra i janë mohuar e drejta për punësim në institucionet arsimore, mësueseve me shami, me mbulesë. E kemi tash shumë të freskët rastin e zonjushës Egzona Hoxhaj, e cila konkurroj për mësuese në shkollën fillore të mesme të ulët “Naim Frashri” në Vlashnje. Gjatë qeverisjes së kaluar kandidatja në fjalë, por edhe kandidatet tjera, kanë konkurruar për disa herë. Komisioni vlerësues, që sot përsëri në këtë qeverisje janë në poste të larta udhëheqëse në DKA, po vazhdojnë me shkelje të premtimit të dhënë nga kryetari Haskuka, duke i anashkaluar kandidatet me mbulesë. I nderuari drejtor, po ashtu si edhe kryetari i komunës. Unë e di që ju personalisht nuk jeni kundër punësimit të motrave tona në institucionet publike shkollore. Por a e dini se komisioni të cilët përsëri sot janë në këtë detyrë, kanë qenë kategorikisht kundër punësimit të motrave me mbulesë. Kanë qenë kundër punësimit në Billushë, në Vlashnje, Kobi, Atmaxh e në shkollat e qytetit. Dhe atë vetëm me 0.01 pikë nuk pranohet kandidatja me mbulesë. Siç është rasti në shkollën “Lek Dukagjini”. Edhe përkundër kësaj, në këtë shkollë nuk është pyetur fare kandidatja pse ishte me mbulesë, me arsytim të komisionit se ne i dimë aftësitë, se sa e aftë je dhe e përgatitur për këtë vend pune. Por përkundrazi në këtë vend pune punësohet mësuesi nga një qytet tjetër, nga Suhareka, që është për tu habitur. Jo veç rastin e Egzones, po kemi edhe shumë e shumë raste që në qeverisjen e kaluar, që ju është mohuar punësimi. Besa edhe ankesa e këtyre mësueseve, siç është rasti edhe me bashkëshorten e kuvendarit tonë, kolegut tonë Ilir Gashi. I nderuari drejtor i DKA-së, premtuat që do të hiqni politizimin në arsim. Por gjatë hulumtimit tonë në punësimin e fundit në shkollën fillore “Naim Frashri” në Vlashnje, punësimi është bërë kryekëput politik, dhe jo meritore. Andaj kërkoj që ta shqyrtoni ankesën e kandidatës e cila ka bërë. Por këtu është një parregullsi, sepse, ju në intervistën e TV Besa thatë që nuk ka bërë ankesë kandidatja. Por është realiteti, sepse kandidatja ka bërë katër ditë përpara se ju me dal në intervistë. Që i bije që dikush prej drejtorisë, juve ua ka fshehur ankesën e kandidatës. Zyrtarët e DKA-së, në qeverisjen e kaluar në shkollën fillore “Naim Frashri” në Vlashnje, në vitin 2017, sapo e kanë punësuar mësuesen, pas katër muajsh përsëri e kanë larguar nga Vlashnja dhe e kanë dërguar në shkollën “Lek Dukagjini”. Ndërsa është për tu habitur se si kjo edhe pse punon në shkollën “Lek Dukagjini”, është në listë të pagës në fshatin Vlashnje. Ndërsa për pyetjen ose shqetësimi tjetër, kuvendarja Nazife Kokollari, veç e tregoj, rreth drejtorit të QKMF-së. Drejtoresh ne e dimë që jeni në dijeni, se është vazhduar kontrata e

parë, e dytë dhe e treta. Ndërsa keqpërdorimi me makinë zyrtare, janë të shpeshta. Ku këto janë në kurriz të qytetarëve të qytetit tonë.

**Illir Gashi (LVV):** Para se të kaloj në çështje që kam planifikuar ti ngrejë këtu, dua të ndërlidhëm edhe me kolegut tonë Petriti, i cili u referua edhe te rasti im familjar, pra me bashkëshorten time, që për njëmbëdhjetë vite nuk ka arritur të punësohet si mësuese. Edhe pse ka qenë e kualifikuar dhe nuk ka pas kundër kandidat në atë periudhë 2006, ku edhe u diplomua gjenerata e parë e UP-së në degën e Prizren. Janë punësuar njerëz me shkollë të lartë, me arsytetime të ndryshme, me gjysmë poeni më tepër. Shpresoj që ky pushtet i tanishëm nuk ka me dallua vetëm me emërtime të ndryshme, por ka me dallua edhe me punën e saj që nuk ka mu diskriminua gratë me mbulesa. Çështja që dua të ngrejë këtu, ka të bëjë me dy kiosçet e vendosura përpara minares së Xhamisë së Arastës, në rrugën “Adem Jashari” përballë postes. Minarja e Xhamisë së Arastës është monument i përfshirë në listën e trashëgimisë kulturore për mbrojtje të përkohshme. Si dhe është monument i vendosur brenda qendrës historike të Prizrenit. Duke u mbështetur në ligjin për Qendrën Historike të Prizrenit, aty shumë çartë është se ndalohej vendosja e kiosqeve apo çfarëdo elementi tjetër, që e prish vizuren, apo pengon qasjen e lirshme në monumentet e trashëgimisë kulturore. Duke mos dashur që ta dëmtojmë veprimtarinë ekonomike, të pronarëve të atyre dy kiosqeve, propozoj që drejtoria përkatëse, ta bëjnë ndryshimin e lejes, duke bërë dislokimin e këtyre kiosqeve diku rreth 20 metra nga pozita ku gjenden tani. Është një hapësirë para kthesës që shpie në rrugën e Lidhjes së Prizrenit. Besoj se nuk ka ndonjë dallim, ndryshim esencial për veprimtarinë e tyre. Po që kjo minare, ky monument i trashëgimisë kulturore, do të çlirohej dhe pastaj do të kishte mundësi që të bëhej edhe ndriçimi nga ana e Drejtorisë së Turizmit. Të vendosin një tabelë sqaruese për historikun e sajë. Si dhe për dhunën sistematike që kanë ushtruar pushteti monist gjatë kohërave të kaluara, në veçanti të atyre të trashëgimisë Islame dhe orientale. Përveç kiosqeve aty ka edhe skele që e kanë rrethua minaren ku kohë pas kohe edhe hedhen mbeturinat. Ndërsa çështja e dytë ka të bëjë me një propozim që ndërlidhet me kolegun tonë z. Kujtim Gashin, që është edhe Ministër i Kulturës. Besoj që të gjithë jeni të shqetësuar që Muzeu Arkeologjik në Prizren, nuk është funksional. Ka punuar për disa muaj dhe sërish është mbyll. Nuk ka as ciceron, as arkeolog. Përderisa në qytet ka shumë arkeolog dhe ciceron të kualifikuar që enden pa punë. Ndërsa muzeu qëndron i mbyllur. E ne thirrem se Prizreni është kryeqytet i kulturës. Kemi shumë festivale ku kemi shumë turist. Ndërsa një muze që është themeluar në vitin 1975, tani në vitin 2018 nuk është funksional. Andaj i propozoi Ministrit të Kulturës, që përkohësisht menaxhimin e këtij muzeumi ta bartë në komunën e Prizrenit. Pasi që po ofrohet edhe sezoni verorë, do të kemi edhe në shumë turistë. Do të fillojnë festivalet e ndryshme kulturore dhe artistike. Që përveç vizitave të tjera të kenë mundësi të qasen edhe

në Muzeun Arkeologjik. Nëse më lejoni shkurtimisht edhe njëherë ti rikthehem temës pasi edhe ministri u kthye.

**Shukri Quni (PDK):** Artan, ti the që është një rregullore që ne nuk duhet të bëjmë shkelje. Andaj këtu nuk është fontanë dëshirash. Edhe pse e keni pushtetin, këtu nuk është duke u marr vesh a keni pushtet a jo. S'ka nevojë me mu përgjigj ti shoqe. Nëse është për me prish mbledhjen e prishim na opozita, sikur që po e prishni ju në Prishtinë atje. Mos e bjer punën deri aty. Se këta hala nuk kanë hy mirë në shtos të lojës, qysh zhvillohet këtu politika në komunë, se zëri nuk ju ndihet hiq. Mirë e dinë ti Artan, unë kam qenë në pozitë, mirëpo kërkesat të cilat ka pas nevojë elektorati jem, unë i kam drejtuar te drejtori, e jo këtu. Ajo vajza tha nuk me kanë lanë në komunë me hy. Këtu është problemi. Çka jeni duke fol këtu ju, unë nuk e kuptoi çfarë funksioni jeni duke e luajtur tash. Të kemi propozuar aty në Kuvend, ti je vetëm me dhënë fjalën edhe me marr.

**Ilir Gashi:** Ne nuk kërkuam prej jush mësim as ligjërata.

**Quni:** O unë 12 vjet kamë qenë në pushtet, po kurrë nuk kam dal këtu me ofendua askënd. Të lutëm motra jem.

**Kryesuesi:** Ju lutem ta respektojmë rendin, rregulloren. Sa herë do ta kërkonti fjalën, do ta merrni, vetëm kërkonti fjalën. Dhe ju kisha lut që debatet ti mbajmë brenda kornizave. Shembullin të cilin e dhatë që ti drejtoheni drejtpërdrejtë drejtorëve, sigurisht është një shembull i mirë. Por çështjet të cilën mendojnë që asamblistët duhet të ngritin, pavarësisht se a është pozitë apo opozitë, është në vullnetin e tij dhe në të drejtën e ti, të cilën fatkeqësisht as unë apo dikush tjetër nuk mund ta përcaktoj. Por ju kisha lut që vetëm ta ngrisni dorën dhe të gjithë do ta keni fjalën, më qëllim që ta mbajmë një rend, për shkak edhe të procesverbalit.

**Quni:** Singërisht po them që ja keni nisë mbrapsht. Ti bile e dinë shumë mirë, se ke qenë katër vjet. Ato të cilat i ke thënë ti këtu në foltore, kanë qenë në gjendje ti durojnë të gjithë ish-drejtorët dhe askush nuk ka reaguuar prej vendi Artan. Andaj, ndale pozitën, tregoj që ne vetëm kemi me dëgjua, se jeni pozitë. Ndoshta të kujtohet kur i pata thënë Kujtim, që ty nuk të përqafon opozita Kujtim. Opozita është për të kritikuar, ndërsa ju pozita jeni më punua. Mos mendo që s'kemi ditë me fol ne më herët, por ne kemi qenë në pozitë dhe kemi dashtë me punua. Puna ime është parë në elektorat, jo këtu me dal e me tregua. A jemi duke recitua vjersha ne këtu, a bënë edhe njëherë me ja nis. S'ka more këtu pyetje për ministrin, e ka zyrën Ministri.



**Bardhi Avdaj (PDK):** Pasi që vij nga fusha e shëndetësisë, nuk e di kolegia se për çfarë nevoja personale e patë fjalën për drejtorin e QKMF-së. Ku gjatë orarit të punës, veturat shfrytëzohen jo vetme në QKMF, por edhe në të gjithë sektorët në komunë. Andaj, nuk qenka aspak e informuar, se si përdorën veturat zyrtare. Ne e kemi një drejtor Muhamedali Gashi, i cili është udhëheqësi më i mirë njëherë për njëherë Prizren.

**Behar Begaj (LDK):** Parashtroi pyetje për drejtorin e Kulturës, Rinisë dhe Sportit në lidhje me objektin e Shtëpisë së Kulturës në Zhur. Që dhjetë vite objekti në fjalë është në gjendje të mjerueshme. Ku edhe sot para mbledhjes mora një informatë, se është thyer dera e atij objekti. Nuk e di çka kanë bërë në të kaluarën, mirëpo që dhjetë vite kaluan dhe ky objekt ende është i pashfrytëzuar.

Andaj, kërkoi nga drejtori që të merren masa sa më shpejtë dhe ti parandalojmë këto dëmtime që po bëhen në këtë objekt. Dhe të bëhet një ekspertizë, të cilën e kemi kërkuar prej vitesh. Këtë shqetësim e kamë ngritë qe tri vite, mirëpo deri me tani nuk është ndërmarr asnjë masë. Vetëm që janë bërë disa punime. Mandej ish drejtori thoshte se lënda është në prokurori. Prokuroria i ka ndal punimet. Gjëra që nuk janë të vërteta hiq. Ndërsa sa i përket stadiumit futbollistik Vllaznia” në Zhur, tenderi i është dhënë firmës “Getoari”, mjetet janë ndarë. Mirëpo duhet të bëhet shpronësimi i pronës ku është paraparë të bëhet stadiumi në Zhur, sepse prona është e Pylltarisë. Duhet të procedohet përmes Kuvendit që të shpronësohet, të kaloj në pronë shoqërore që sa më shpejt të fillojnë punimet. Prandaj, kërkoi edhe nga ju kryesues, që ta shpejtoni këtë procedurë, dhe sa më shpejt të sillen këtu para kuvendarëve dhe të dilet në votim. Pyeti drejtorin e Arsimit se a ka ndërmarr ndonjë masë në lidhje me objektin shkollor në Zhur, ku është duke u punuar një sallë sportive. Aty është bërë suvatimi i mureve, ende pa u bërë kulmi i atij objekti. Dhe ka filluar që suvatimi të bije dhe të dëmtohet ai objekt. Unë e kam njoftuar edhe drejtorin e Drejtorisë përkatëse dhe nuk di se a ka ndërmarrë ndonjë masë. Po ashtu kërkoi nga drejtori i Arsimit, që ta zgjidhë këshillin drejtues në shkollën tonë, sepse tash e dy vite nuk funksionon për arsye politike. Gjithashtu kërkoi që objekti i zjarrfikësve në Zhur sa më shpejtë të funksionoi, sepse që pesë vite ka përfunduar dhe ende është i pashfrytëzuar.

**Alush Shala:** Parashtroi pyetje për drejtoreshën e Shëndetësisë se sa vende janë të zbrazëta në ambulancat e QKMF-së. Sepse ne kemi informata, që persona që kanë vdekur nuk janë zëvendësuar. Persona që kanë dalë në pension nuk janë zëvendësuar. Po ashtu persona që kanë dal jashtë Kosovës nuk janë zëvendësuar. Kërkoi që në seancën e radhës të na njoftoi, nëse këta persona janë zëvendësuar, sepse ne nuk kemi ndonjë informatë zyrtare. Kjo do t’ju shërben jo vetëm juve si drejtoreshë, po edhe qytetarëve. Në legjislacionin e kaluar kanë mundur me thanë që po i punësoni të juajit. Unë do të ndihesha mirë kushdo

qofshin ata, nëse 30 vetë punësohen të Prizrenit. Pyeti kryesuesin se a i keni përgatit bexhat për të hyr më lehtë në Kuvend, pasi që e përmendi kolegja ime znj. Sherife Balaj.

**Kryesuesi:** I falënderoi të gjithë kuvendarët për pyetjet- shqetësimet që i kanë ngrit. Kërkoj nga drejtorët e drejtorive që në bazë të Statutit të Komunës, ti marrin të gjitha pyetjet që u janë adresuar dhe përgjigjet kanë mundësi, që në seancën e radhës ti japin drejtpërdrejt këtu në Kuvend. Ose brenda 30 dite me shkrim. Kurse sa i përket pyetjes lidhur me bexha, ne kemi thënë edhe në mbledhjen e fundit, që ti dorëzoni fotografitë tuaja, tek Shërbimi Profesional i Kuvendit, që sa më shpejt që të bëhen bexhat identifikuese. Se më të vërtetë të gjithë anëtarët e Kuvendit duhet të kenë qasje në pajtim me ligjet në fuqi dhe rregulloren e Kuvendit, për çështje që kanë të bëjnë në interes të qytetarëve. Sipas informatave që i kam fotografitë nuk i kanë dorëzuar të gjithë. Prandaj ju kisha lut për ata që donë, përndryshe duhet ti bëjmë bexhat për ata që i kanë dorëzua fotot.

**Flaka Siqeca, drejtoreshë e Drejtorisë për Shëndetësi:** Theksoi se në lidhje me veturën zyrtare të përdorur edhe jashtë orarit të punës nga drejtori i QKMF-së, ne si drejtori së bashku me kabinetin, jemi duke i hulumtuar ankesat e parashtruara në këtë drejtori. Ndërsa sa i përket kontratave, Drejtori i QKMF-së trajtohet me ligjin e shërbyesit civil. Ai është i punësuar, ku dosjen e ka në Zyrën e Personelit të komunës. Mirëpo kontrata e tij si mjek është e pezulluar. Ndërsa nga Ministria është e cekur që numri i të punësuarve në shërbimin shëndetësor duhet të jetë 475, mirëpo për momentin janë 469. Andaj vetëm edhe 9 vende janë të lira. Për këto vende ka qenë i hapur konkursi për katër (4) mjek, dy (2) shtëpiak, një (1) punëtor higjienik dhe dy (2) vozitës. Mirëpo tash do të vazhdojnë procedurat, sepse ky konkurs është mbyllur. Ne do ti plotësojmë këto vende të lira, që janë të paplotësuar, sepse ka persona që janë duke pritur, e sidomos infermier.

**Fatmir Memaj, drejtor i Drejtorisë për Urbanizëm:** Sa i përket pyetjes së parashtruar nga z. Ilir Baldedaj, rreth vendimit për ndalimin e dhënies së lejeve në komunën tonë, ceku se këtë çështje e kemi sqaruar në media. Nuk është vendim që i ndalon tri dokumente po është një vendim i gjykatës i cili i ndalon katër dokumente. Në mesin e tyre është edhe plani zhvillimor komunal. Ne kemi bërë kërkesë në Gjykatën Themelore në Prishtinë, departamentit për çështje administrative, ku nga ana e kryetares presim konfirmimin. Faktikisht ne i kemi pezulluar të gjitha procedurat e dhënies së lejes, deri në momentin kur të kemi përgjigje nga organet përkatëse. Sa i përket teleferikut, kjo çështje tashmë është në zyrën e prokurimit, e cila është në procesin e finalizimit apo të anulimit. Po ashtu edhe për basenin olimpiq nuk kemi dhënë leje, deri në momentin e zhbllokimit të situatës për të gjithë. Ndërsa sa i përket pyetjes së z.

Illir Gashi, për kiosket para Xhamisë së Arastës, përkatësisht para minares. Ne do të shqyrtojmë me bashkëpunëtorët profesional dhe me organet siç janë: QRTK-ja dhe Qendra për Trashëgimi Historike dhe do të shohim se çfarë zgjidhje mund të gjejmë, sepse ato ekzistojnë

**Skender Susuri, drejtor i Arsimit:** Sa i përket pyetjes se z. Agnesa, në lidhje me shkollën në fshatin Shkozë, ne jemi në shqyrtim të këtij problemi, sepse vërtet nuk ka kushte në atë shkollë. Duhet të ndërmarrim diçka urgjente. Pyetjes se kuvendares Sadije, nuk mund ti japë përgjigje, sepse nuk e njohë këtë materie. Do të tentoj me pa si qëndron puna. Sa i përket pyetjes së kuvendares Dafina Billaca në lidhje me kulmin në shkollën “Ibrahim Fehmiu” në Arbanë, së shpejti projekti do të filloj, gjatë javës do të nxirret konkluzioni për kulmin. Ndërsa për sallën e edukatës fizike kamë bërë kërkesë me shkrim te drejtori. Nuk është në pyetje parat, sa është në pyetje lokacioni që ndodhet aty. Në lidhje me shkollën Dedaj, është e vërtetë që është stërzgatur, mirëpo problemi është te komisioni, ku kanë mbet edhe disa çështje teknike. Shpresoi që shumë shpejt ky problem do të zgjidhet. Sa i përket sallës së edukatës fizike në Zhur, ku parashtrori pyetje kuvendari Behari, gjatë javës ne vijim inxhinierët do ta konstatojnë se si është gjendja në atë sallë. Jemi të interesuar të përfundoj sa më shpejtë. Ndërsa sa i përket këshillave drejtuese, ku në ato shkolla nuk funksionojnë, kompetencat e këshillit drejtues i bartë drejtori i shkollës, por jo në pakufi. Mirëpo edhe për këtë rast ne do të shprehim interesim, që të bëhet funksional. Ajo që më së shumti ka zgjuar kureshtjen në opinion ka qenë konkursi, ku ka një pretendim të kandidatës që ka qenë shamia në pretekst. Është e vërtetë që ka qenë një nga kandidatet e mira, mirëpo komisioni intervistues ka gjykua ashtu qysh ka gjykua. Nuk mundem të gjykoj a ka qenë vendim i drejtë apo jo. Ne e kemi nxitë dhe e kemi motivua kandidaten të parashtrori ankesë. Komisionin të cilin e kamë emëruar është plotësisht i pavarur. Në atë komision nuk është asnjë zyrtar i Drejtorisë së Arsimit. Nëse vërehet që ka pas shkelje ligjore, ne e anulojmë konkursin. Nëse nuk vërehet, kandidatja ka të drejtë të shkoj në inspektorat të punës, në shkallën e parë. Nëse inspektorati i punës konstaton shkelje, ne prapë do ta anulojmë konkursin. Për mos mu përsërit raste të tilla, unë i kam ndërmarrë disa veprime të cilat më lejohet. Nuk është më vetëm një komision intervistues, do të jenë katër komisione intervistuese, të cilët besoj se duhet të jenë komisione, të cilët do të gjykojnë mbi dijen, mbi rezultatin, jo mbi shamiat.

**Osman Hajdari, drejtor i Drejtorisë së Administratës:** Në fillim të gjithë anëtarëve të Asamblesë, ju dëshiroi sukses në punët e tyre. Theksoi se kam pas fatin me qenë edhe në ulësen e opozitës, e ndoshta nuk jam duke ditur të sillem si pozitë, mirëpo po me duket që as ju si opozitë ende nuk jeni adaptuar. Sa i përket pyetjes së e parashtruar nga z. Sadije në lidhje me listën e pronave, besoi se shumë shpejtë komisioni i pronës edhe përmes komisionit të

pronës që do të themelohet, do ti keni të gjitha listat e pronave komunale, lokale. Të gjithë kapitalin faktikisht që ka administrata, do ta keni në dispozicion. Po ashtu kjo do të jetë edhe online dhe në ueb faqe të komunës, e cila aktualisht nuk është në funksion. Ndërsa sa i përket ndalimit në objektin e komunës z. Sherife nga sigurimi, më vjen keq, mirëpo ne ata punëtor nuk i kemi zgjedh. Është një kontratë kornize e vitit 2017. Është një kompani e sigurimeve private, ku administrata as nuk ka mund ta përcjellë. Ne jeni zotuar për transparencë, për barazi, jo vetëm ndaj teje si kuvendare, por ndaj gjithë qytetarëve pa dallim. Nuk besoj që ka pas ndonjë tendencë në kuptimin politik. Ai mundet me qenë edhe anëtarë i partisë së juaj, edhe i VV-së dhe i Nismës. Sigurimi është për ta kryer detyrën aty, se kush hyn e del të identifikohen, mirëpo këtë çështje do ta vërtetoj përmes sistemit të kamerave. Të çmoj për humanitetin që ke treguar për atë fëmijë. Po, Drejtorja e Shëndetësisë dhe sektori i shëndetësisë, çdo kërkesë humane që drejtohet në këtë drejtori e procedon. Po mendoj që absolutisht nuk ka pas asnjë qëllimi. Sa i përket pyetjes së parashtruar nga Petrit Hoxhaj, në lidhje me zgjedhjen e kryetarit të fshatit Vlashnje, ne jemi që një muaj e gjysmë në krye të drejtorisë. Kam konsideruar që nuk është ndonjë problem permanent për tu zgjedhur. Por Drejtorja e Administratës ka jashtëzakonisht probleme të mëdha. Edhe në kuptimin e projekteve të investimeve kapitale dhe të disa projekteve të cilat jemi duke i ekzaminua. Unë e kam iniciua çështjen e pajisjes me vula të kryetarëve të bashkësive lokale, e cila është në procedurë, në Ministri. Besoi që shumë shpejtë do të finalizohet. Ashtu si ka qenë praktikë e mëhershme, kryesuesi bashkë me drejtorin e Administratës, që i kanë organizuar takimet për zgjidhjen e këshillave të fshatrave, shpresoj që edhe atje shumë shpejt do ta zgjidhim. Shumica e kryetarëve kanë mandat deri në fund të këtij viti. Pastaj në bazë të rregullores së Kuvendit do të implementojmë.

**Shukri Quni:** Osman, the që nuk jeni mësuar në opozitë. Në rast se dikush është punësuar në komunë i pari prej kur e ka marr pushtetin PDK-ja, unë e di që je ti, Unë si Shukri Quni, asnjëherë në komunë nuk kam punuar, vetëm si asamblist. Artan, unë të kam respektuar si asamblist, mirëpo që je në Kuvend që ke titull, unë nuk e respektoi askënd. Unë që katër mandate jam këtu, dhe jam shumë i matur kur flas me ofendua dikënd, tregoj kuvendarëve të tu Artan. Na kemi fërkime këtu, s'është pa fërkime. Po kurrë nuk ka bërë vaki që pyetje dhe përgjigj me zgjatë dy orë. Unë nuk të njoh a je në pozitë, apo në opozitë. Të cilido drejtor që shkoi e ia dërgoi kërkesën, ai ka me ma krye punën, nuk mundet mem shit filozofi aty. Ne kemi njëfarë rregullore. Ky kuvend rrënjët i ka në gjak. Një drejtor më patë thënë që e kom ofenduar. I kam kërkuar falje, sepse ka qenë e vërtetë kur e kamë lexuar procesverbalin. Osman, ani pse jemi në opozitë, por mos të shkojmë duke e shty njëri-tjetrin, sepse ne s'mund ti qojmë qytetarët përpara, këtu është problemi. Nëse dini me fol ti apo ata të tjerët hallall ju qoftë. Kanë qenë do filozofë që folshin në foltore, por



askush nuk i marrke vesh. Atë ditë e ceka Artan, që kurrë nuk janë qua njerëzit, sikurse ju që bëtë atë ditë ndaj kryetarit. Kryetari e ka matë vetën kur ka hy, a ka me ofendua kush, a ka mi thënë kush gjëra të këqija. Mos më shti mi pr procesverbalet ose me ua pruvendarët e tu, mi pa çka i keni thënë ju ish-kryetarit Muja. Po a e di që keni kërkuar dorëheqjen e ish-kryetarit Muja, ku keni thënë s'ju pret as shtatori. Nuk bënë kështu. Ne nuk jemi duke lyp dorëheqje, mirëpo jemi duke kërkuar që ta qojmë përpara procesin, asgjë tjetër. Kështu Osman, kemi mu mësua në opozitë, se nuk ka qysh. Nëse dikush ka kërkuar për me dal shokët e mi në opozitë, unë jomë ai që kam pas qejf shumë. Sepse unë çdo herë kam qenë në opozitë vetëm e kam ndërruar vendin.

**Kryesuesi:** Kërkoj nga kuvendarët që ti dëgjojmë drejtorët që ti japin përgjigjet, në lidhje me pyetjet e parashtruara. Pastaj edhe pse nuk është e paraparë, mund ta lejojmë, për hire të respektit ndaj fjalës së Kuvendit. Por ta respektojmë rendin brenda mundësive që e kemi. E kuptoi si është me qenë në opozitë, nuk ka gjë me të keqe se me ta ndalë fjalën. Mirëpo edhe një gjë si opozitar a kam ditë, atëherë kur është tejkaluar rendi, e kam respektuar vendimin e kryesuesit. Prandaj, ju kisha lut ti dëgjojmë drejtorët dhe në qoftë se keni diçka për të shtua, pastaj shtojmë.

**Osman Hajdari:** Në pyetjet e parashtruara përgjigjet mundemi ti dërgojmë edhe më shkrim. Mirëpo mendova të përgjigjem për shkak se është në interes të opozitës, të pozitës dhe i të gjithë qytetarëve. I ndërtuar Shukri, ne kemi qenë në opozitë edhe në pozitë bashkë. Edhe me shokët e tu njihemi kohë të gjatë. Mendoj që i din edhe qëndrimet e mia edhe publike. Në momentin kur kemi pranuar të bëhem drejtor politik, ne e dimë që kemi me pas edhe ofendime. Ka me pas momente të caktuara ku kanë mu ngrit edhe tensione. Unë ju kuptoj sepse edhe vet kam qenë anëtar i asamblesë. Jam punëtor i komunës që nëntë vjet. Jam punëtor edhe i larguar i komunës. Do më thënë kam kalua në faza të ndryshme. Bashkë me ty kemi krye shumë procese, që jam krenar për krejt ato procese në të cilat kam kalua bashkë me ty, edhe me shumë shok të PDK-së, edhe të BD-së, edhe sot në strukturën e Nismës. Mendoj që jam një prej njerëzve shumë parimor. Çfarëdo pyetje që keni, urdhëroni nuk është kurrfarë problemi. Sa i përket sigurimit do të vërtetohet si është sjellë, mirëpo nuk është zgjedhë prej neve. Është kontrata që ne e kemi vazhduar. Janë punëtor të sigurimit, që kanë një protokoll hyrje-dalje ku identifikojnë njerëzit. Po ashtu kryesuesi e cekti se do të pajiseni me kartela. Andaj jo vetëm ju, por secili qytetar mundet mu drejtua për çfarëdo problemi. Po ashtu unë pajtohem qe duhet me pas rregulla me qenë një etazh, sepse në këtë pikë kështu jemi pa kufi. Edhe në kohen kur kam qenë asamblist, kjo pikë ka qenë problematike, se janë ngrit çështje të cilat janë adresua direkt. Kur të doni secili anëtarë edhe i opozitës edhe i pozitës, pa dallim etnie, kam thënë urdhëroni kërkesat mundem



mi trajtua vet edhe mi ekzekutua. Nuk ka nevojë ndoshta hiq mu ngrit në Kuvend.

**Faruk Dakaj, drejtor i Drejtorisë për Emergjencë:** Në pyetjen e parashtruar nga z. Begaj, në lidhje për rifunksionalizimin ose funksionalizimin për qendrën e zjarrfikësve në Zhur. Po ju informoi që tri qendra tjera nuk janë funksionale për shkak të numrit të vogël të zjarrfikësve në komunën e Prizrenit. Ne kemi bërë kërkesë ku presimi përgjigje nga ana e Ministrisë. Nëse kërkesa jonë pranohet për shtim të numrit, atëherë do të funksionalizojmë. Për pyetjet e përfaqësuesve boshnjak do të përgjigjem me shkrim.

**Egzon Elshani, drejtor i Drejtorisë për Bujqësi:** Sa i përket pyetjes së parashtruar nga ana e kuvendarit Alush Shala në lidhje me qentë endacak, Drejtoria e Bujqësisë ka ndarë një fond prej 45.000.000 € për trajtimin e qenve endacak. Mirëpo kryeministri vitin e kaluar ka shpallur masa emergjente. E ka ndarë një fond prej 1.300.000,00 € për trajtimin e qenve endacak në nivel të Kosovës. Këtë vit do të merret AVUK-u me trajtimin e qenve endacak. Sipas informatave puna do të filloj në muajin prill.

**Levent Kasemi, drejtor i Drejtorisë për Shërbime Publike:** Sa i përket pyetjes së parashtruar në lidhje me rehabilitimin e rrugëve, sot kanë dal në teren dhe ato do të mbyllen. Sa i përket rezervarit në Gjonaj, ne vetëm punimet e betonit i kishim bërë në rezervuar. Ndërsa sa i përket kanalizimit, kjo çështje i përket Hidroregjionit. Do të kërkoj sqarim nga Hidroregjioni. Po ashtu edhe për 2 Korrik, 11 Mars dhe Dardani, për mirëmbajtje me ujë dhe shtimin e kapacitetit kompetent është Hidroregjioni. Ne e bëjmë investimin në infrastrukturë dhe investime në ujësjellës. Është i paraparë në buxhet 2017-2018. Kështu që në lagjet 2 Korriku, 11 Marsi dhe Dardania, është duke u bërë implementimi i projektit të sistemit të ujësjellësit, ku shpresoi se deri në fund të vitit do të zgjidhet problemi.

**Sherife Balaj:** Për hir të korrektësisë dhe që dëgjohet ky procesverbal tek qytetarët, nuk kam të bëjë me emra sepse nuk e njohë asnjërin këtu. Kemi të bëjmë me drejtor të Administratës. Rregullat në Administratë nuk behën duke i ndaluar qytetarët për kërkesat e tyre. Sot e asaj dite familja Morina ende nuk e ka marr përgjigjen për atë kërkesë. E di se si kanë shkuar dhe si shkojnë tash edhe proceset tjera. Ne kemi familje, kemi lidhshmëri, kemi subjekte politike. Aq më pak po bëjë politikë, me një rast të tillë me një foshnje dy muajsh e gjysmë, që kërkon 70.000,00 € për shërimin e ti dhe për diagnostifikimin e asaj sëmundje. Mua më thonë që ne nuk dimë qysh me aprovua këtë kërkesë. Na tregoni ju, ne e realizojmë. Nuk behën këto gjëra kështu. Po flasim për ndjenjë, për shëndet, për foshnjën dy muajsh e gjysmë. Nuk bëhet politikë me këta, të lutëm. Nuk po flas si Osman, po flas si drejtor i Administratës.

**Osman Hajdari:** Përkundë respektit që kam si kuvendare, mirëpo Drejtori i Administratës, nuk ka vendos kurrfarë urdhra për me ndaluar askënd, kështu mos e dezinformo opinionin publik. Sigurimi i komunës ka funksionuar që dy-trembëdhjetë vite. I identifikon palët, qytetarët dhe hynë. Nuk e di çfarë kërkesë ke për atë fëmijë dy muajsh. Është një qendër për shërbim të qytetarëve, që s'ka kurrfarë ndalese. Ti mundesh me ardhur me dorëzua aty kërkesën. Trajtohet prej Drejtorisë së Shëndetësisë. Unë nuk e di që as në kohën e kaluar që 15 vjet, qe u ndalua ndonjë qytetarë. Kjo shumë në vlerë prej 70.000,00 € është prej Ministrisë. Bëhet një kërkesë formale ku atë e bënë dr. Nexhip Berisha dhe e protokollon në Prishtinë. Nuk besoj që ajo është telashe. Mos e dezinformo opinionin publik që Drejtori i Administratës. Se Drejtori i Administratës tash ka një emër, unë jam Drejtor i Administratës. Asnjë urdhër, asnjë urdhëresë ndaj sigurimit as ndaj askujt nuk kemi vendos me ndalua, as qytetar, as kuvendarë, as drejtorë askënd. Se s'është e drejta e ime me ndalua askënd. Secili qytetarë ka qasje në shërbime permanent 24 orë, kurdo edhe në telefon mundet me thirre. Është edhe një kall center ku mundet mu trajtua problemi. Sherife ti ke qenë edhe drejtoresh, pres korrektësi në këtë, jo me dezinformua opinionin se Drejtori i Administratës paska vendos me ndalua qytetarët, s'është e vërtetë, më vjen keq.

**Kryesuesi:** I falënderoj të gjithë anëtarët për pyetjet e parashtruara. I falënderoj të gjithë drejtorët për përgjigjet. Ju kisha lut që për mbledhjet e ardhshme të kemi parasysh pak kohën. Nuk është ideja këtu mi ndal fjalimet në gjysmë. E di, ato marrin kohë mu përgatit, e di që janë kërkesa të qytetarëve. Mirëpo, ta kemi parasysh edhe punën dhe efikasitetin këtu në Kuvend.

#### **Pika e katërt:**

**Shqyrtimi i propozimvendimit për rishqyrtimin e vendimit të Kuvendit të Komunës nr.01/011-20457 i datës 05.02.2018, për themelimin e Komitetit për Politike dhe Financa dhe për emërimin e anëtarëve të këtij Komiteti.**

Para se të kalojmë në diskutim dhe në propozime, dëshiroj t'ju njoftoj se me datë 5 shkurt kemi pas mbledhjen, ku kemi marrë vendim për themelimin e këtij Komiteti, ashtu siç na përcakton Ligji për Vetëqeverisje Lokale. Komitetin të cilin e kemi votuar, ka pasur mbështetjen unanime të gjithë anëtarëve të Kuvendit. Në atë kohë, është respektuar parimi i barazisë gjinore, të cilën e njeh ligji mbi zgjedhjet. Që do të thotë 30% të përfaqësimit gjinor, të reflektoj edhe në trupat ndihmës të Kuvendit. Mirëpo, siç duke menjëherë në fillim të mandatit, me një urdhëresë nga zyra për barazi gjinore, pran Kryeministrit të Republikës së Kosovës z. Ramash Haradinaj dhe gjithashtu zotimin e MAPL-së,

më konkretisht sekretares së përgjithshme, i është dhënë detyrimi secilit kuvend komunal në Kosovë, që të gjitha trupat e kuvendit, që do të dalin nga kuvendet komunale, duhet ta respektoj parimin e barazisë gjinore 50-50%. Ne kemi pas një takim edhe kryesuesit e kuvendeve komunale ku është ngritë kjo çështje. Disa kanë zgjedh që ta ndjekin këtë çështje edhe në gjyq, për të kërkuar interpretim gjyqësor. Sepse ka probleme të përfaqësimit të kuotës 30%. Dhe disa vende komunale nuk kanë mundësi, ta zëmë me pas aq numër të grave sa që të përfaqësojnë 50-50%. E ka çështje të tilla të cilat nuk i interesojnë Kuvendit komunal të Prizrenit. Mirëpo ajo çka është e detyrueshme për ne, është që ky Kuvend duhet të marrë vendim konform kërkesës së MAPL-së. Që jo vetëm KPF-ja, po të gjitha komisionet që dalin trupat ndihmës, duhet të reflektojnë detyrimin e përfaqësimit 50-50% sipas ligjit për barazi gjinore. Unë hap diskutimin, pse jo edhe propozime nga anëtarët e Kuvendit. Vetëm një gjë para se të kalojmë në kërkesat e juaja, apo propozimet që i keni. Kur janë kërkuar emrat, jemi mundua me respektuar maksimalisht kriteret e përcaktuara me udhëzim administrativ. Kriteri i parë është përfaqësimi në komitet, sipas forcës në Kuvend, pra, sipas numrit të ulëseve dhe kritere tjera siç është edhe një përfaqësim nga komuniteti, që ka më së shumti anëtarë të Kuvendit. Ne duhet patjetër që një anëtar të propozuar nga ju në mbledhjen e kaluar, ta ndryshojmë. Pra, një subjekt politik ta ndryshoj anëtarin që është burrë në grua, dhe kjo çështje do të ishte në pajtim me kërkesën për shqyrtimin e ligjshmërisë. Ky është vendim i Kuvendit komunal. Kryesuesi i Kuvendit komunal, është drejtues i mbledhjeve, se u pat ngrit një çështje. Prandaj, unë kërkoj nga subjektet politike të cilët kanë edhe një traditë më të gjatë në institucion, të cilët kanë edhe një traditë më të gjatë politike këtu në Kuvend, që të reflektojnë karshi kësaj kërkesë. Është diçka progresive, diçka e re në Republikën e Kosovës. Ta kenë parasysh gjithmonë punën dhe mirëmbajtjen e punës në institucione dhe trupat ndihmës të Kuvendit. Veç edhe një sqarim shumë të shkurt. PDK-ja është e përfaqësuar në dy komitetet obligative me katër anëtarë, të cilën e kanë respektuar përfaqësimin e gruas 50-50%. LVV-je në dy komitetet obligative është e përfaqësuar me dy gra, një në KPF-ca dhe një Komitet për komunitete, pra e ka respektuar përfaqësimin e kuotës gjinore, në dobi të gruas. LDK-ja është e përfaqësuar me një anëtar burrë në KPF-ca, dhe një grua në Komitetet për Komunitete, pra e ka respektuar përfaqësimin 50-50%. Po flasim gjithmonë, më qenë se këto dy komitete trajtohen si komitete obligative. Nisma për Kosovën, e cila është përfaqësuar në KPF, e ka përfaqësimin grua. KDTP-ja e cila është grup parlamentar i vetëm nga komunitetet ka përfaqësim mashkull në KPF, do të thotë ka bërë propozimin dhe grua në Komitetin për Komunitete. Do të thotë vetëm AAK-ja e ka përfaqësimin burrë. Do të ishte mirë që ndonjë nga subjektet politike që

përfaqësim burrë në KPF, të reflektoj karshi kërkesës së Kryeministrit të Republikës së Kosovës Ramush Haradinaj. Sepse kërkesa konsideroj që është e mirë. Është progresive dhe është krejtësisht një standard i ri në kuvendin komunal të cilët jemi këtu të përfaqësuar. Po hapim diskutimin, pastaj kalojmë në propozime konkrete. Se si duhet ta bëjmë propozimin e çelësit më të mirë. Gjithmonë duke pas parasysh numrin e anëtarëve në Kuvendit, kuotën 50-50%.

**Ilir Baldedal:** Ne si grup parlamentar e kemi emrin. Kur keni qenë ju në opozitë, asnjë vendim të asamblesë nuk e keni votua pro. Gjithmonë keni votua kundër. Vetëm një rast ka qenë për një shpronësim të tokës, në kohën kur ka qenë atëherë anëtarë i VV-së ai dhe e keni votua pro. Juve partive që jeni në pushtet ju mbetet të dakordoheni dhe ta zgjidhni këtë çështje. Sepse mos pritni çdo herë të merren vendimet në dëm të opozitës. Sepse partitë politike i kanë caktuar emrat nga opozita për KPF-në. Andaj ju kisha sugjerua ty si kryesues dhe partnerët tuaj të koalicionit, të merreni me këtë çështje, sepse nuk i takon opozitës me zgjidhë këtë çështje.

**Memnuna Ajdini:** Na osnovu administrativnog upustva u KPF-je predvi eno je 9 lanova. Na predhodnoj dat je predlog za odre ene lanove iz redova odbornika i albanske i turske zajednice. Samim tim možemo videti, a to je doznanja da bošnja ka zajednica i njeni predsvatnici su zaobi eni u ovom komitetu. Ja moram naglasiti da je Prizren specifi an po svemu, a pre svega po multietni nosti. I o ekujem da se do reflektuje i u komisijama i u komitetima, gde trebamo uzeti u eš e. Predstavnici iz bošnja ke zajednice. A posebno naglašavam predstavnici koalicije Vakati. Sobzirom da smo mi pobednici na zadnjim izborima iz svoje zajednice. Mi emo dati predlog da se i ova situacija i ovi predlozi koji su dati na predhodnoj sednici, preispitaju. Da ipak i ovj komitet gde se daju i predlažu jako bitne odluke. Moraju biti u esnici bošnja ke zajednice ponavljam i predstavnici koalicije Vakati. Da damo kvalitetno u eš e i time štitimo svuju zajednicu.

**Kryesuesi:** Pak a shumë nëse e kuptova drejtë është fjala për përfaqësimin e komunitetit boshnjak. Siç e dini edhe në mandatin e kaluar, këtu e kemi edhe ish kryesuesin. Nuk ka qenë edhe i kufizuar edhe numri në trupat obligative të kuvendit dhe nuk ka pas realisht edhe telashe të tilla. Të gjithë kanë qenë të përfaqësuar varësisht prej numri në kuvend, forcës në kuvend. Të gjithë komunitetet kanë qenë të përfaqësuar. Mirëpo, me hyrjen në fuqi të udhëzimit të ri administrativ, fatkeqësisht e kemi një situatë të tillë. Ku ne duhet të veprojmë konform kufizimeve ligjore dhe administrative që i kemi. Dua t'ju kujtoj nenin 6 që flet për përbërjen e KPF-së, më konkretisht paragrafi 2 ku

thotë: Në rast se në përbërjen e kuvendit të komunës janë të përfaqësuar më shumë entitete politike me çka e bëjnë të pamundur përfshirjen e të gjitha entiteteve në KPF. Atëherë përfaqësimi do të bëhet nga një renditje e subjekteve politike, duke marrë parasysh numrin më të madh të përfaqësuar në kuvendin e komunës. Pra, kjo është përcaktuar definitivisht. Nuk është çështje e debatit, ose diskutimit, ose marrëveshjes që mund ta bëjmë duke e shkelur këtë ligj. Fatkeqësisht këtu nuk shoh ndonjë zgjidhje tjerë përpos një vullneti të mirë të ndonjë subjekti. Që ta bëjë zëvendësimin e një anëtari burrë në grua.

**Memnuna Ajdini:** Obzirom da mi predstavljamo zajednicu koja je druga po redu u Prizrenu, odmah posle albanske. I ovde ima etri odbornika iz bošnja ke zajednice. Smatram ipak u ovom komitetu treba da bude jedan bošnjak. I naglašavam da treba da bude iz koalicije Vakati. Po brojnosti bošnja ka zajednica je druga. I nelogi no je da nijedan predstavnik u ovako bitnom komitetu ne bude član komiteta.

**Kryesuesi:** Vetëm në Komitetin për Komunitete udhëzimi administrativ niset nga ideja e përfaqësimit. Përbërja e KPF-së, ka parasysh idenë e numrit më të madh të përfaqësuar në kuvendin e komunës. Nuk është se këtu kam mungesë vullneti në përfaqësim. Po janë rregulla të reja dhe nuk kemi zgjidhje të reja, përpos që ta bëjmë kështu se si është.

**Alush Shala:** Theksoi se nuk është e nevojshme të hapim debat pasi që rregullorja na përcakton për një gjë të tillë. Ata që janë të obliguar ta bëjnë këtë ndërrim, le ta bëjnë. Pse duhet të hapim debat edhe njëherë, të votojmë apo të përcaktojmë individ tjerë. Nëse ne, kishim pas mëdyshje në anëtarët tanë, secili subjekt politik do të kishte paraqit ankesat apo emrat e caktuar. Mendoj që është dashur të bisedoni dhe të kontaktoni grupin parlamentar, i cili është i detyruar ta bëjë këtë ndërrim.

**Kujtim Gashi (PDK):** Për shkak të përfaqësimit dhe të kërkesës që të gjithë janë pjesë e komunitetit, zakonisht themelimi i komunitetit shkakton probleme. Ne kemi marr një vendim për KPF-në. Mirëpo nuk e kam të qartë tash Ministria a e ka shfuqizua vendimin, apo ka vetëm një kërkesë me shkrim që duhet të bëhet 50-50%. Sepse ligji e thotë definitivisht 70-30%. Tash a është një vullnet politik për të bërë 50-50%, apo është kërkesë ligjor? Për këtë kërkoi sqarime. Jo gjithmonë komuna e Prizrenit duhet të respekton kërkesa politike, sepse është komunë multietnike dhe komunë që ka një përfaqësim tjetër prej komunave tjera, prej Prishtinës, Gjilanit ose Ferizajt. Sepse kemi komunitete që jetojnë dhe e kemi një përbërje shumë të madhe politike në Kuvendin komunal. Nëse kemi kërkesë ligjore, duhet të bëhet 50-50%. Po nëse kemi kërkesë politike, ne veprojmë sipas vendimit ligjor.



**Kryesuesi:** Kërkesa nga ana e Ministrisë është hedhë poshtë, ku vlerëson se akti i komunës është në kundërshtim me dispozitat e legjislacionit në fuqi. Me arsyetimin se ky Vendim nuk është në përputhje me ligjin për barazi gjinore, neni 6 paragrafi 7 dhe 8. Ku parashihet se organet legjislative, ekzekutive, gjyqësore në të gjitha nivelet si dhe në institucionet tjera publike janë të obliguar dhe të zbatojnë masat e veçanta për të arritur përfaqësimin e gjinisë më pak të përfaqësuar, deri në arritjen e përfaqësimit të barabartë të femrave dhe meshkujve sipas këtij ligji. Pra, është e qartë.

**Karanfil Haxhillari (LVV):** Theksoi se formimi i KPF-së është pjesë të cilin Kuvendi e themelon. Pra, nuk ka të bëjë këtu me pozitë apo opozitë. Thjeshtë është një institucion në veti të cilin MAPL-ja e ka kthye. Këtu tashmë është në pyetje vetëm ndërrimi i një burri. P.sh. në këtë rast VV-ja në të dy komitetet ka femër. Nuk kemi më hapësirë, sepse ne e kishim dërgua femër. Edhe në KPF-ca edhe në Komunitetin e Komuniteteve neve i kemi femra. Vetëm kërkohet ndërrimi i një anëtar, në mënyrë që tek e fundit është kërkesë e zyrës për barazi gjinore të Kryeministrit në këtë rast. Unë s'po mundem me kuptua qysh edhe vendimet e Kryeministrit të juaj në këtë rast që është në pushtet ti refuzoni ju dhe të mos i aplikoni.

**Shukri Quni:** Mua po më habitni qysh po folni kaq but, kaq mirë. Kështu s'keni ditë ju me fol more këtu. Ky vendim a vlen edhe për ekzekutivin këtu, p.sh. edhe këtu janë vetëm dy femra, tjerët krejt meshkuj. A duhet 50% mi pru femra, 50% meshkuj. Gjithashtu edhe kryeministri nuk është vetëm i joni, por është i të gjithëve. Artan Abrashin a e kom votua unë apo jo, ai është kryesues i të gjithëve, dhe ju përmbahem rregullave të tij. Mirëpo kam dyshime që në Prizren të gjithë po bëjnë eksperimente, në çdo aspekt. Pse nuk e rrit ti numrin në 13, me bo, ashtu sikurse ne që e kemi pas bërë. Ashtu po krijohen kushtet, ashtu i kemi rrethanat ne. Kemi minoritete edhe duhet mu rrit numri. Prej 9 sa kanë qenë boni 11 s'bëhet kiameti. Kryeministri i ka 90 zëvendësministra a 60 sa janë ata. Kështu që shtini edhe dy femra se nuk bëhet nami. Sikur të isha unë në vendin tënd nuk isha tërheqë, sinqerisht po e them. Në mbledhjet e kaluara ke pas thënë se shumë mirë jemi duke shkuar. Ke pas cekë se 30% me 70% është fenomenal. Kështu që ngul pak këmbë, jo vetëm çka të thonë ata. Si opozitë me fol tu ka pas doke shumë e lehtë, a tash si kryesues goxha vështirë është. Kështu që vërejtjet merri, qëndro. Ish-drejtori i Arsimit më patë thënë që nuk shkoi në gjykatë për arsimitaret. I thash për çka je ti aty, duhet të shkosh në gjykatë më mbrojtje punëtorin. Edhe ti duhet mi mbrojt këta kuvendarë këtu. A nuk është numri, shtoj edhe dy femra bëni 11 dhe u krye puna.

**Kryesuesi:** Z. Quni unë do të isha pajtuar plotësisht, sikur kjo çështje do të ishte në vullnetin tim. Është një vendim i ri që për herë të parë po aplikohet në Republikën e Kosovës. Realisht ne ishim kuvendi i 20-të komunal me radhë të cilët ju kanë kthye vendimet të tilla, për shkak të kuotës. Ky ligj po të ishte ashtu siç e shtruat ju, duhet të ishte obligative për të gjitha pushtetet në Kosovës. Për pushtetin legjislativ, që nga parlamenti deri te kuvendet komunale. Për pushtetin ekzekutiv, që nga qeveria deri tek qeveria lokale. Edhe për pushtetin gjyqësor. Por arsyetimi i ministrisë qenka se le t'ia nisim me diçka të re, diçka që ia ka nis Martin Luterkingu në Amerikë. Unë e çmoj anën progresive të kësaj, padyshim që po. Dhe se kam frik më qenë se është çështje ligjore duhet ta respektojmë. Pra, nuk është në pyetje këtu vullneti im. Ne mund të futemi një procedure gjyqësore me ministrinë është edhe ky opsion. Por do të mbetj KPF-ja jo aktiv, nuk do të mund të mbante asnjë mbledhje. Nuk do të mund të merrte asnjë vendim. Nuk do të mund të bënte asnjë shqyrtim, sepse të gjitha do të ishin të paligjshme. Pra, kam frik se këtë çështje duhet ta vendosim sot.

**Kujtim Gashi:** Meqë është kërkesë ligjore, edhe pse jam shumë skeptik, që janë bazua me një ligj thotë diku 50-50%. Po megjithatë ata janë nivel qendror edhe ne i suberdinohemi në këtë kuptim. Propozoi që bashkë me shefat e grupeve ta keni një pauzë dhjetë minuta, në mënyrë që të koordinoheni për dy pikat. Komiteti për Komunitete kërkon një ndryshim. Andaj, duhet me pas një koordinim të përbashkët pasi që kemi të bëjmë me ndërrimin e një anëtari. Meqenëse është kërkesë ligjore, jam shumë skeptikë, sepse në asnjë institucion të Republikës së Kosovës nuk janë 50-50. Edhe pse është një iniciativë e mirë, mirëpo rrethanat e Kuvendit komunal na imponojnë në qenë në fuqi vendimin që e kemi marrë.

**Haziz Hodaj:** Sinqerisht që jemi në një gjendje jo të pëlqyeshme, mirëpo, nëse jemi të detyruar sigurisht që do ta bëjmë. E them më bindje të plotë që kjo urdhëresë administrative edhe pse është diçka e re mirëpo nuk bazohet në ligj, sepse ligji parasheh 30%, përfaqësimin në të gjitha institucionet. E ceket që disa komuna janë në proces gjyqësor, a mundet me qenë në proces procese gjyqësor. Pyeti se a mundet me funksionalizuar KPF-ja, ashtu si e kemi zgjedh, deri në vendosjen e procesit gjyqësor.

**Kryesuesi:** Në një komunë e kishin bërë dy herë vendimin pak a shumë të njëjtë, vetëm emrat i kishte ndryshuar, pa e respektuar në përgjithësi këtë kërkesë. Mirëpo prapë iu është hedhur poshtë nga ana e Ministrisë. Andaj, kamë frikë se nuk mundet.

**Hodaj:** Të bëhet një kërkesë në Ministrinë e Arsimit dhe Pushtetit Lokal për specifikat që i ka Prizreni. Më përfaqësua edhe komunitetin boshnjakë më një femër. Ndoshta do të ishte zgjedhja më e mirë.

**Kryesuesi:** E kemi bërë edhe atë, sidomos tek Komiteti për Komunitete. Pastaj unë ju kam dhënë edhe sqarime, bile kanë ndërhy edhe ndërkombëtarët si kërkesë e Kuvendit komunal. Po ende nuk kanë kthye përgjigje. Thjesht janë kategorik në këtë punë.

**Kujtim Gashi:** Ne jemi para një situatë që duhet të veprojmë në dy mënyra: E para, me pas një pauzë dhe mu dakordua nëse pranon një subjekt politik mu tërheq një emër të mashkullit edhe me zëvendësua me femër. Nëse jo, atëherë propozoj që vendimi mu rivotua edhe njëherë dhe m'ia dërguar Ministrisë, duke ja bashkangjitur edhe një shkresë që kërkesa e tyre është antiligjore. Edhe pse nuk e ka shikuar shkresën, por jam i bindur që nuk kanë bazë ligjore në këtë kërkesë. Në mandatin e kaluar e kemi votuar një vendim dy herë. Herën e dytë nuk ka mundur të kthej Ministria, sepse e kanë pa shkresën që është antiligjore.

**Kryesuesi:** Theksoi se me departamentin ligjor të monitorimit të komunave pranë MAPL-së, kam qenë në kontakt të gjatë, mirëpo kërkesa e tillë është e papranueshme për ta. Të njëjtë persona do ta vlerësojnë përsëri. Më qoftë se hapim procedurë ligjore dhe të kërkojmë interpretim, e dini se si shkon kjo zvarritje në gjykatë. Po ashtu nuk kemi përfaqësues ligjor shumë të mirë që mund ti ndjekin seancat se janë tepër të ngarkuar. Në një situatë të tillë kam frikë se do të funksiononim pa KPF-në. Po ashtu në qoftë se e rivotojmë edhe e funksionalizojmë, bazuar në udhëzimin administrativ. Për shkak se nuk kemi konfirmim të ligjshmërisë. Vendimi i Kuvendit do të ishte i paligjshëm. Ne do të vazhdojmë kështu, këtu nuk do të përfillim ministrinë. Komuna e Prishtinës e ka bërë një padi për këtë çështje nën arsyetimin se po ndërhy në autonominë e Kuvendit. Natyrisht që nuk do të ketë bazë ligjore, do ta humbë këtë rast komuna e Prishtinës. Për shkak se ka bazë ligjore objekt interpretimi është ligji i Kuvendit të Kosovës për barazi gjinore. Do më thënë është dispozitë ligjore. Si të hapët ky rast gjykata patjetër që do të vendos pro kësaj. Kështu që nuk kemi zgjidhje tjetër. Pas Dafina Alishanit, po e bëjmë një konsultim të shkurtë, pesë minuta me shefat e grupeve parlamentare. Në qoftë se nuk ka akordim, atëherë Kuvendi duhet të marrë vendim dhe të votoj.

**Dafina Alishani (LVV):** Theksoi se duhet ta keni parasysh që edhe gruaja mundet të ketë përfaqësim ashtu si burrat. Andaj, mos të na kushtëzoj ligji me qenë të barabartë, sepse ne jemi të barabartë dhe gratë mundën më përfaqësua një komitet.

Kryesuesi, ftoj shefat e grupeve parlamentare pesë minuta për konsultim.

**Kryesuesi:** Në mbledhjen konsultative që e patëm me shefat e grupeve parlamentare, sa i përket kësaj çështje fatkeqësisht nuk kemi arrit ndonjë kompromis. Pavarësisht se çështja është vetëm tek zëvendësimi i një anëtar i kuvendit nga burra në grua dhe KPF-ja do ta përmbushte detyrimin ligjor. Duke u bazuar në Udhëzimin Administrativ për formimin e komiteteve obligative, përbërjen dhe emërimin e anëtarëve në këto komitete. Duke u bazuar në nenin që thirrret në përfaqësimin e numrit të anëtarëve në grupet parlamentare. Pra, forcën politike të tyre në Kuvend. Si dhe me kërkesë në MAPL-së duke u bazuar në ligjin për barazi gjinore, propozoi që Kuvendi të merr vendim për përbërjen, respektivisht çelësin, përfaqësimin e subjekteve politike në KPF-ca. Atëherë i propozoj Kuvendit, që ta votoj KPF-në në përbërje prej nëntë anëtarësh, respektivisht tetë të zgjedhur. Propozoj që të merret që të merret parasysh kriteri i përfaqësimit në Kuvend, si dhe kuota gjinore. Prandaj, sot propozoj çelësin, kurse emrat, subjektet politike le ti bien më vonë. PDK-ja propozoj që të përfaqësohet me tre anëtarë, dy burra dhe një grua. LVV-je, propozoj që të përfaqësohet me një anëtar grua. LDK-ja propozoj që të përfaqësohet me një anëtar burrë. AAK-ja propozoj që të përfaqësohet me anëtare grua. Nisma për Kosovën propozoj që të përfaqësohet me një anëtare grua. Si dhe KDTP propozoj që të përfaqësohet me një anëtar burrë.

**Ilir Baldedaj:** Theksoi se kush ta nxjerri këtë qelës ty si kryesues, sepse ti nuk je kryesues për me nxjerr çelës të partive të ndryshme politike. Ti, nëse je shef i grupit parlamentar i VV-së, mund ta nxjerrësh çelësin vetëm të subjektit tuaj politik. Edhe njëherë po e cekim se mashtrimin e qytetarëve e keni bërë ju si LVV-je, prej kryetarit të komunës, kur ka thënë se ekzekutivi do të jetë 50% të gjinisë femërore. Fatkeqësisht nga 13 drejtori i kemi vetëm 2. Përsëri ju si LVV-je, nuk gjeni kurajë, të paktën mashtrimin e kryetarit ju si asamblistë ta zbutni. Përsëri vazhdoni me avazin, që AAK-ja nuk merr pjesë në KPF-ca, dhe nuk e voton asnjë vendim të asamblesë komunale. Sepse AAK-ja e ka shefin e grupit parlamentar që e ka votua. E ka anëtarin për KPF-ca. Nuk je ti ai që ia çekë AAK-së, të jetë femër apo mashkull.

**Shukri Quni:** Edhe unë pajtohem me Ilirin se nuk ka nevojë këtu me përcaktua ju, se a do ta përfaqëson femër apo mashkull. Këta janë parti dhe e përcaktojnë vetë. Unë e përkrahi dhe po ashtu kërkoi edhe nga ju ta përkraheni, që Iliri të jetë në KPF-ca. E ceka edhe më herët që të shtohen dy numra, këtu kemi edhe minoritete për ti plotësuar kriteret. Ne kemi qenë 13, ju e dini vet.

**Kryesuesi,** theksoi do të ishte zgjedhja më e mirë, mirëpo ne po thirrremi në përgjegjësin politike ligjore që e ka Kuvendi karshi kërkesave të Ministrinë.

**Memnuna Ajdini:** Obzirom da ponovo se pozivate na zakon. Mi smatramo da ipak treba da predstavnik bošnja ke zajednice bude prisutan. I Mi emo uložiti žalbu.

**Ilir Baldedaj:** Nuk e ke ti rolin e juristit të komunës, por e ke rolin e kryesuesit të asamblesë komunale. Ti kur ke qenë në opozitë, kush ta ka përcaktua anëtarin për KPF-në. A ta ka përcaktua Kujtim Gashi, me qenë femër apo mashkull, apo e ka përcaktuar LVV-je, që Artan Abrashi me qenë anëtarë i KPF-së. Pse ju partitë në pushtet, nuk mblidheni bashkë pa opozitën dhe me na ardhur me një zgjidhje. Sepse ti të KDTP-së nuk po guxon me prek, të LDK-ja njëkohësisht nuk po guxon me prek, po ashtu edhe të VV-ja. Ndërroni kryesuesin ju boni femër, ju jeni pushteti. Ta diskriminosh opozitën në këtë rast, mund ta diskriminosh pozitën në kuptimin, sepse je pozitë. Po të merresh ti se AAK-ja a propozon femër apo mashkull, kjo definitivisht i kalon premisat e një kryeministri, se lëre më një kryesuesi të asamblesë.

**Kryesuesi:** I nderuar anëtar i Kuvendit, unë po pajtohem plotësisht me ty. Nuk është që unë po insistoi, mirëpo këtu po insiston Kryeministri i Kosovës. Andaj, duhet të marrim një vendim.

**Baldedaj:** Është e çuditshme që as nga LDK-ja, as nga KDTP-ja, nuk guxove ta propozosh prej mashkullit në femër dhe u adresove të AAK-ja. Nuk di a pa dashje e kë bërë apo nga presioni i koalicionit. Po ta rikujtoj që je kryesues i asamblesë komunale dhe nuk ke asnjë të drejtë ta përcaktosh ti. Nëse je ashtu, unë prej sodit të ftoj me ardhur në AAK, dhe pastaj ti flet në emër të AAK-së. Përderisa je në VV-je dhe je kryesues i asamblesë, nuk ke të drejtë. As nuk besoj që ta kanë dhënë autorizimin si zëdhënës i AAK-së, që me përcaktua femër apo mashkull anëtar të KPF-së.

**Kryesuesi:** Edhe njëherë ceku se është hera e parë në gjithë Kosovën, në të cilët po imponohet një gjë e tillë. Po krijohet përshtypje thuaja se një subjekt politik po dëshirojmë ta heqim prej komiteti. Jo, po mund ta bëjmë edhe atë. Në qoftë se, tash po flas, po lëshohem edhe në deklaratë politike. Edhe pse nuk më takon. Në qoftë se do të ishte kjo çështje e ndëshkimit të opozitës, atëherë, sigurisht që një pushtet do ta ndëshkonte opozitën më të madhe. Po këtu jemi të obliguar ne që ta respektojmë edhe forcën politike në Kuvend, respektivisht PDK-në. Është edhe alternativa tjetër që KPF-në ta bimë në shtatë anëtarë, dhe të ulët niveli i përfaqësimit. Por unë nuk mendoj që do të ishte mirë. Pra, këtu është fjala, subjekti politikë e ruan pozicionin në KPF. Por me kërkesën e MAPL-së dhe zyrës gjinore të Kryeministrit të Republikës së Kosovës, Kuvendi duhet të merr vendim për përfaqësim 50-50%. Do të doja shumë që kjo çështje mos të ishte problem. Por kemi obligime ligjore, si Kuvend jo si kryesues.



Kuvendi le ta bëjë një propozim, të merret një vendim, pastaj i inkurajoj të gjitha subjektet politike që të ndërmarrin mekanizma që ju garanton ligji për ankesë, të çfarëdo vendimi që e merr ky Kuvend. Sepse do të bëhej një interpretim më i saktë dhe do të shërbente si precedent edhe për të ardhmen. Për herë të parë në Republikën e Kosovës është marr një vendim ku trupat ndihmës duhet të jenë 50-50%. Në përjashtim të komisioneve ku janë mikse, ekzekutiv edhe legjislativ.

**Ilir Baldedaj:** Kërkoj të di a e ke formulën me shkrim nga MAPL-ja, që shkruan PDK-së i takon një mashkull, dy femra. LDK-së i takon një mashkull, AAK-së i takon një femër. Kjo është formulë të cilën e ke nxjerr ti, jo që e ka nxjerr Ministria. Sepse Ministria po thotë kuota, ku unë pajtohem plotësisht me kuotën. Po ajo nuk e përcakton kush do të jetë nga AAK-ja, sa do të jenë nga PDK-ja, sa nga VV-ja. Ti nuk je me nxjerr formula kryesues. Nëse ti e ke me shkrim nga MAPL-ja, që PDK-së i takojnë kaq meshkuj kaq femra, LDK-së, VV-së, AAK-së, unë sot e zgjidhi problemin. Po fatkeqësisht, kjo tregon që nuk keni kurajo. Sepse keni ardhur me premtime, mashtrime prej kryetarit, deri tek ju i fundit. Sepse ti nga pengesat e koalicionit se nuk guxon ta prekësh KDTP-në sepse hidhërohen koalicioni i LDK-së, dhe aludon në AAK-në.

**Alush Shala:** Kërkoj nga kryesuesi që nëse nuk ka ndonjë zgjidhje brenda koalicionit qeverisës, atëherë ose të shtohen edhe dy numra ose ta rivotojmë vendimin e mëparshëm.

**Kryesuesi,** propozoi që Kuvendi ta thotë fjalën e vetë me votë, e pastaj nëse nuk miratohet shkojmë edhe me alternativa tjera.

**Azem Durmiši:** Vidim da se isklju ivo se raspravlja o boraju zastupljenosti muškaraca i žena ovde. A mi smo totalno zapostavljeni, i ako smo uputili zahtev, da bar jedan lan naše zajednice pripada u tom komitetu. Opet zahvaljujem pojedinim kolegama koji nas pominju. Zaista ako Predsednik Vlade dao uredbu i zahteve da bude zastupljenost 50-50%. A uopšte nije imao na umu mi se ini, ja koliko vidim etni ku pripadnost, pogotovo ovede u Prizrenu. Da se ne ponavljam, ja sam ve na po etku rekao da je zaista Prizren jedna spe ifi nost. I da se ima na umu zaista da treba jedan lan bošnja ke zajednice da pripada u tom komitetu. I slažem se sa g. Alušom što predlaže da se pove a broj lanova komiteta. I isto ako ovako se ovako od nas od strane bošnja ke zajednice nas etiri ne pribadne nijedan. I mi emo da uputimo žalbu direktno Ministarstvu za Lokalnu Samoupravu.

**Kastriot Krasniqi (PDK):** Kërkoj nga kryesuesi që bashkë me shefat e grupeve të koalicionit të diskutojnë dhe të dakordohen në mes veti dhe ta përfundojnë kjo punë. Sepse nuk është e arsyeshëm kaq shumë me zgjatë.

**Simir Krasniqi:** Kërkoj që me shefat e grupit parlamentar të konsultoheni, dhe të lëshoni pe, e jo ti bëni presion AAK-së të zgjidh këtë problem. Ne nuk pajtohemi për ta votuar ashtu siç thua ti, që ta plotësojmë kuotën gjinore. Ne si PDK, pra si grupi më i madh, kur i kemi sjellë emrat e kemi respektuar kuotën 50-50%. Nuk e di pse kaq shumë i jepni vetes presion, kur thoni që partia opozitare ta zgjedh problemin e juaj. Jeni si parti në pozitë, me gjithë koalicionin që e keni këtu dhe boni zgjidhje, lëshoni ju pe. Kurse AAK-ja nuk ka nevojë të lëshoj pe, për me zgjidhë problemin e juaj.

**Karanfil Haxhillari:** Nuk është këtu që po i bëhet presion AAK-së, ose ndonjë subjekti tjetër. Subjekti në pushtet LVV-ja në këtë rast, e ka 100% kuotën gjinore të përfaqësuar në komitetet e përhershme. LDK-ja është 50-50%. Nisma është 100%. PDK-ja në këtë rast është 50-50%. Vetëm AAK-ja është 100% meshkuj. Prandaj, kërkohet një mirëkuptim nga AAK-ja, në këtë rast që ta propozoj një grua në KPF. Nuk është kjo ndonjë tendencë e ndonjë subjekti. Më vjen shumë keq që është bërë debat në muajin mars për gjininë femërore. Megjithëse këto duhet të kalohen. Jemi me një shoqëri se vërtetë të tregohemi më emancipues.

**Simir Krasniqi:** Karanif, ju jeni ata që nuk e keni respektuar kuotën gjinore. Ku gjatë fushatës është thënë drejtorët e ekzekutivit do të jenë 50-50%. Këtu i shohim vetëm dy femra. Jo 30% po as 10% nuk e keni plotësuar kuotën gjinore. Tash na tregon që ne ta plotësojmë kuotën gjinore.

**Ilir Baldedaj:** AAK-ja Karanfil është vetëm në KPF e përfaqësuar. Nuk është në Komitetin për Komunitete. E ke shumë gabim, sepse ne e kemi vetëm një anëtar. As Nisma nuk është në Komitetin për Komunitete. Tu kisha lut si kuvendar, të kesh informacione para se të flasësh.

**Kryesuesi,** e hedhë në votim çelësin e propozuar. Pastaj me mekanizmat e Ministrisë do ta ndërmarrim vendimin në pajtim me kërkesat. Në qoftë se na është bërë padrejtë padyshim që do ta korrigjojmë. Mirëpo ne duhet ta marrim një vendim.

**Shukri Quni:** Ne dalim jashtë. Shiko, nuk ke nevojë me votua sepse nuk është marr vendim.

**Kryesuesi:** Atëherë kush është për miratimin e këtij komiteti, jemi në proces.

Për? – 20.

Kundër? – S’ka.

Abstenim? – 4.

Atëherë konstatoj se me 19 për, asnjë kundër dhe 4 abstenime, propozimi me këtë çelës nuk kalon.

Atëherë po bëjmë edhe njëherë rinumërimin, në qoftë se jemi në rregull.

Për? – 19.

Kundër? – S’ka.

Abstenim? – 4.

Ky çelës nuk kalon.

Kërkojmë vetëm dy minuta pauzë Kuvendit, rrimë në sallë, derisa të kemi një interpretim, pastaj vazhdojmë me pikën e radhës.

Ju njoftojmë se sipas interpretimit ligjor, se nuk e ditshim se a duhet të jenë 21 anëtarë këtu. Me 19 vota për, katër abstenim dhe asnjë kundër, votohet me shumicën e të pranishmëve në sallë dhe ai çelës kalon. Tash i nënshtrohet mekanizmit të interpretimit ligjor nga MAPL-ja. Dhe presim përgjigje se a kemi një vendim të drejtë apo jo. Kuptohet kjo është e drejtë e Ministrisë dhe uroj të kemi marr një vendim të drejtë. Nëse jo padyshim se si Kuvend do të bëjmë plotësim-ndryshimin e vendimit deri sa ta gjejmë formacionin e përshtatshëm. Pra, vendimi kalon me shumicën e anëtarëve prezentë në sallë.

**Pika e pestë:**

**Shqyrtimi i propozimvendimit për rishqyrtimin e vendimit të Kuvendit të Komunes, nr.01/011-20465 i datës 05.02.2018, për themelimin e Komitetit për Komunitete dhe për emërimin e anëtarëve të këtij Komiteti.**

Po ashtu njëjtë sikurse rasti i mëhershëm MAPL-ja ka kthyer vendimin e Kuvendit. Në këtë rast duke u thirrur në të drejtën e përfaqësimit të komunitetit goran brenda këtij organi të Kuvendit. Rasti që Prizreni është një komunë specifike. Ndonëse jetojnë këtu të gjitha komunitetet që janë në Kosovës, fatkeqësisht nuk po merret për bazë. Me vendime të tilla arbitrare, sikurse në pikën e kaluar që diskutuam, kjo Ministri është duke shkaktuar vetëm probleme dhe jo duke na dhënë ndonjë zgjidhje. Sipas këtij udhëzimi shumica e anëtarëve

të këtij komiteti, duhet të jenë nga Kuvendit. Kurse pjesa tjetër e komuniteteve të cilët nuk janë të përfaqësuara në Kuvend. Në vendimin e kaluar i cili nuk u vlerësua pozitivisht. Nga komunitetet të cilët nuk kanë përfaqësim në Kuvendin komuna, i kemi përfshi komunitetin serb, komunitetin rom, komunitetin ashkali dhe komunitetin egjiptas. Në këtë vendim të Ministrisë kërkohet që ta përfshimë komunitetin goran. Meqenëse numri kështu po shkon dhjetë, atëherë kemi kërkuar udhëzimin nga Ministria që të bëjmë, mirëpo nuk kanë kthyer përgjigje. Këtë çështje e kemi ngritë edhe në zyrën e Bashkimit Evropian, ku kemi kërkuar nga ta që ta kenë parasysh rastin specifik të Prizrenit, ku komisionet ti rrisin numrat e përfaqësimit. Deri sot ka qenë data e fundit ku kam prit një përgjigje, mirëpo përgjigje nuk kemi. Në konsultim me zyrtarin na është dhënë një propozim që në situata të tilla të bëhet zgjidhja nëpërmjet rotacionit. Gjithashtu edhe me anëtarët të cilët vinë nga komunitetet këtu pakicë. Propozoj që nga PDK-ja të jetë Sherife Balaj. Nga LVV-je ishte Mimoza Bushrani. Nga LDK-ja ishte zonja Sadija Jakupi Osaj. Pastaj nga NDS-i ishte z. Azem Durmishi. Në këtë pikë patëm një kritikë me vend, ku është shtrua si temë diskutimi, po ashtu nga subjekti tjetër boshnjak Vakati, i cili në zgjedhjet e fundit ka pasur një numër më të madh të votave dhe ka kërkuar sqarime se pse s'është përfshi këtu. Jam i detyruar që Kuvendi të jap edhe një shpjegim. Ideja e Komitetit për komunitete bazohet në përfaqësim, jo në numër të votave. Do të thotë mund të ishte edhe ndonjë anëtarë i komunitetit boshnjak që nuk është anëtar i Kuvendit dhe të përfaqëson të gjithë komunitetin boshnjak. Mirëpo, më qenë se e kemi një situatë i propozoj Kuvendit që zgjidhje në këtë pikë të shkoj me rotacion. Dy vjet NDS-i, dy vjet Vakati. Dhe të zgjedhin vetë, gjithmonë duke pas parasysh kuotën gjinore, që të jetë mashkull në këtë rast, ashtu siç i ka takua, është standard i ri. Kurse tek KDTP-ja, ka qenë e propozuar Cenet Sajadi. Ndërsa të komunitetet që nuk janë të përfaqësuara në Kuvend. Një pjesëtar i komunitetit serb i cili falë ndërmjetësimit të OSBE-së, kemi bërë një takim me këto komunitete, me komunitetin serb, komunitetin rom, ashkali dhe komunitetin goran. Ata i kanë mbush disa formular disa aplikime me nënshkrimet nga komuniteti i tyre, të cilët i kanë dërgua pran zyrës së Kryesuesit. Do ta shqyrtojmë dhe do ta vendosim për emrat e tyre, varësisht kush sa nënshkrime ka. Dhe sa i kanë plotësuar kriteret në pajtim me udhëzimin administrativ. Kurse për fund duke u bazuar në regjistrimin e popullsisë, ashtu siç është shkresa e Ministrisë të Administrimit të Pushtetit Lokal. Ku për bazë ka marrë regjistrimin e vitit 2011 dhe është arsyetuar që komuniteti goran i regjistruar kap shifrën prej 0.4% të popullsisë që jetojnë në komunën e Prizrenit. Që në statistika është saktësisht numri 655 sipas atij regjistrimi. Dhe që në këtë rast duhet të jenë po ashtu me rotacion. Dy vjet të jetë i përfaqësuar komuniteti goran, kurse dy vitet e ardhshme një komunitet që është më i vogël, komuniteti

egjiptas. Ky është propozimi i Kuvendit. Pra, këtu vjen vetëm shprehja e rotacionit. Dhe pavarësisht që e kemi diskutuar shumë me numrin e kufizuar prej 9. Uroj që Ministria ta kthejë përgjigjen edhe në ditët në vijim, se menjëherë i ndryshojmë, është ideja e përfaqësimit sa më të mirë të komuniteteve. Por tash Kuvendi duhet po ashtu të marrë vendim për këtë organ.

**Memnuna Ajdini:** Tako e smo u jednoj vrlo nezgodnoj situaciji. Gde ponovo trebamo da mi zajednica se borimo za nešto što zaista zakoniski nam pripada. Radi se dakle o zajednici koja je druga po redu Prizrenu. Ja ne mogu da svatim i da nakon te injenice vi dajete dozanja da trabamo mi u rotaciji da idemo. I ako ve tako ste hteli da date predlog. Onda logi no je da date predlog od onog subjekta koji ima ve i broj glasova. U ovoj situaciji koalicija Vakati ima ve i broj glasova. I iz tog razloga smatram da koalicija Vakati e imati prvi mandat od dve godine. Eventualno ako se traži rotacija. A moj predlog bi bio da u tom komitetu budu dva lana iz bošnja ke zajednice. Obzirom da je bošnja ka zajednica druga po redu po brojnosti u Prizrenu.

**Kryesuesi:** Po, kjo qëndron që komuniteti boshnjak është i dyti si popullsi që jeton në Prizren. Mirëpo, prapë po e them si kriter është vendos nga Ministria, vetëm ideja e përfaqësimit dhe jo numri. Kurse në anën tjetër vendimin e kanë kthyer mbrapsht duke u bazuar në përqindjen e popullsisë. Që është një absurditet në vetvete dhe nuk na takon neve si Kuvend. Ne duhet ta marrim një vendim dhe ta dërgojmë në interpretim. Unë i propozoj Kuvendit që ta votojë edhe njëherë këtë propozim. Ku dallimi i vetëm prej vendimit të kaluar është se këtu tash përdoret rotacioni. Mendoj që kur të vijë puna te komuniteti boshnjak, veç edhe një propozim po e bëjë. Le të jetë në fillim subjekti Vakati, pastaj le të pasohet në vitet e ardhshme subjekti NDS. Më qenë se jeni të përfaqësuar në qeveri, keni drejtori, dhe mendoj që është e drejtë që në fillim të nis ky mandat me përfaqësuesit e Vakati. Nëse nuk ka dikush diçka të shtoj po e hedh në votim këtë propozim.

Të gjithë.

Kundër? – S’ka.

Abstenim? – S’ka.

Atëherë konstatoj se unanimisht aprovohet propozimvendimi për rishqyrtimin e vendimit të Kuvendit të Komunës, nr.01/011-20465 i datës 05.02.2018, për themelimin e Komitetit për Komunitete dhe për emërimin e anëtarëve të këtij Komiteti.

**Pika e gjashtë:**



## **Shqyrtimi i propozimvendimit për themelimin e këshillit dhe emërimin e anëtarëve të Këshillit për fshatin Zym të Hasit.**

Duke u bazuar në Ligjin për Zonën Historike të Hasit të miratuar në Kuvendin e Kosovës, jemi të obliguar që ti zgjedhim dy anëtarë të cilët do jenë pjesë e një Këshilli të përbashkët së bashku me anëtarët që i zgjedh fshati Zym, të cilët do të jenë pjesë e atij organi që do ta ketë për bazë ruajtjen e trashëgimisë kulturore historike të fshatit. Në bazë të ligjit të fshatit Zym, Kuvendi komunal i Prizrenit duhet të përfaqësohet me dy anëtarë, në këtë këshill. Kurse tre anëtarë të tjerët do të zgjidhën nga vetë fshati në një njoftim publik, ku njëri prej tyre do të jetë kryesues i këtij Këshilli. A ka dikush të shtoj sa i përket debatit për këtë pikë. Nëse jo, atëherë kërkoi propozimet nga Kuvendi për anëtar të këtij Këshilli.

**Adem Shabanaj (LVV):** Ne emër të grupit të koalicionit qeverisës, të propozuar janë: Nazife Kokollari nga LVV-ja dhe z. Haziz Hodaj nga LDK-ja.

**Simir Krasniqi:** Së pari kërkoi të respektohet grupi me i madh parlamentar dhe jo të marr fjalën tjetri. Adem më falë për këtë, po së pari është dashtë unë të flas njëherë. Për propozimin e anëtarit informatën e kemi marr më vonesë dhe nuk jemi konsultuar me grupin parlamentar. Emrin do ta sjellim më vonë, në mënyrë të shkruar, sa më shpejt që është e mundur.

**Shukri Quni:** Theksoi se nuk është mirë të punohet në këtë mënyrë dhe ti jepet fjala grupit tjetër, përderisa grupi i PDK-së është më i madh këtu. Po ashtu këto propozime janë të papranueshme, sepse kandidati duhet të jetë banorë nga fshati Zym i Hasit. Edhe unë kanë qenë i propozuar, mirëpo nuk kam pranuar. Kamë kërkuar që të jetë banorë i atij vendi, në mënyrë që të jep kontribut atje. Mos shkoni me këso propozime. Neve na keni pas akuzua shumë herë që kemi shkelë rregulloret me dy këmbë. Ju tash po i shkelni rregulloret komplet me krejt trupin. Nuk i bëni mirë këtij Kuvendi kështu.

**Ilir Baldedaj:** Vazhdimisht po bëni shkelje të rregullores, edhe tash që ma dhe fjalën. Për çdo vendim kryesuesi i asamblesë komunale së pari duhet t'ua japë fjalën shefave të grupit parlamentar. Së pari shefi i grupit të PDK-së, se është grupi më i madh në asamble, i dyti është VV-ja, i treti është LDK-ja, i katërti është AAK-ja, e pasta vjen Nisma dhe partitë tjera. Kërkoi që të respektohet rregullorja dhe jo të keqpërdoret foltorja e kryesuesit të asamblesë komunale.

**Kryesuesi:** Kritika qëndron. Jam përpjekur vazhdimisht që ta respektoj rendin. Mirëpo unë e ftova Kuvendin me marr fjalën dhe e ngriti Ademi i pari. Kjo është e vetmja arsye, jo për ndonjë gjë.

**Shukri Quni:** Nga grupi opozitar e propozoi Ilirin, i cili është nga Hasi dhe jeton atje. Kërkoj nga kolegët që të votohet ky dhe të jetë në atë Këshill, që është i formuar në fshatin Zym.

**Kryesuesi:** Ligji për Zonën Historike të fshatit Zym thotë: dy anëtarë të Kuvendit duhet të zgjedhën dhe të përfaqësojnë atë Këshill. Do të ishte mirë ideale për shkaqet që u theksuan. Mirëpo, ne nuk mund t'ia kufizojmë askujt, propozimin apo vetë propozimin për të qenë. Ndryshe do të bënim shkelje. Andaj në një situatë të tillë kemi tre propozime dhe formën e votim duhet ta bëjmë për dy.

**Illir Baldedaj:** Kërkoj që të kthehet nga pika zero dhe t'ia japësh fjalën grupit më të madh parlamentar ta jep propozimin, pastaj të dytit e kështu me radhë. Sepse ti ja ke nisur mbrapsht. Askund në botë nuk ka t'ia japësh fjalën se pari të dytit pastaj të parit.

**Haziz Hodaj:** Theksoi se unë që dhjetë vite jam në opozitë, mirëpo nuk kam ditë të bëhem opozitë si ju. Më herë thatë që merruni vesh ju si koalicion dhe ju zgjidhni problemet. Tani thoni s'bën me propozuar koalicioni në paket dy anëtar të Kuvendit mu zgjedhë në komisionin në Zym. Nuk e di cila është arsyeja që ju na impononi tani formën e propozimit neve në Kuvend këtu, qysh i propozojmë ne. Nëse është te grupi, atëherë pozita është më e madhe se opozita. Edhe propozimi ke në paketë. Nëse i foton votat, i fiton votat. Nëse si fiton votat, shkoni ju nuk është problem. Propozimi ke shumë i mirë prej jush. Edhe shkojmë në votime tash. Shkojmë në votimin e parë dhe në të dytin.

**Shukri Quni:** Ju i propozuat dy anëtarë, pa na lënë neve rrugë hiq. Nuk ke të drejtë mi propozua dy vetë ti. Edhe ne kemi të drejtë me propozua këtë. Që ke qenë ti në opozitë, ne kemi pas të drejtë.

**Hodaj:** Po vjen shumë keq me tregua formën qysh e keni zgjedh anëtarin e këtij komisioni në mandatin e kaluar. Ti si drejtor i Administratës ke bërë shkelje flagrante në zgjedhje.

**Baldedaj:** Absolut s'ka pas shkelje. Atëherë PDK-ja e ka propozua Gzim Durajn se ka qenë grupi më i madh atëherë edhe sot. Nëse ty z. Hodaj qytetari ta ka dhënë vendin e tretë në asamblenë komunale ne nuk kemi faj. Është propozua nga grupi më i madh.

**Hodaj:** Kryesues, shko në votim sipas renditjes që u propozuan. Votohet propozimi i parë, votohet propozimi i dytë. Ne nuk e privojmë askënd nga vota. Do më thënë nëse ka vota, shkon ai që është propozua nga opozita. Nëse s'ka

shkojnë dy të parët. Le të kërkojnë interpretim ku do donë. Absolutisht asnjë dilemë nuk e kemi në këtë drejtim.

**Alush Shala:** Kur është në pyete Hasi ne të gjithë duhet që më mirëkuptim nga të gjitha subjektet ti qojnë dy emra sipas ligjit në fshatin Zym. Emra të cilët e respektojnë ligjin, kuvendin e pse jo dhe fshatin Zym, sepse për këtë arsye edhe po i zgjedhim. Mua me erdhi mirë që z. Shukri Quni, nuk e pranoi propozimin, për shkaqe që nuk ka mundësi me qenë çdoherë atje. Ju kisha lutur juve personalisht si kryesues, dy emra ti gjejmë bashkë që do të na pëlqejnë të gjithëve. Që do ta kryejnë punën më së miri dhe të jenë afër fshatit Zym, i cili e kërkon këtë Vendim prej neve.

**Shukri Quni:** Unë nuk e di Haziz, qysh mundet me qenë njeriu më korrekt, kur e pranon një gjë të tillë. Se mu pas propozua, kam me shkua që ke mu çuditë. Po i kam thënë mos më propozo, sepse nuk mund të jap kontribut në vendin ku nuk banoj. Nuk pat nevojë mi hy atyre llugave. Po shumë mirë ke propozimi në dy, një (1) ne, një (1) ju. A ju me shkua me ka dy propozime ashtu si po thua ti, jo, se jemi më shumë se ju, na.

**Kryesuesi:** Sqaroi se propozimi i parë u bo në emër të koalicionit që përfshihen gjashtë subjekte politike.

**Baldedaj:** O kryesues koalicioni pas zgjedhore nuk njeh ligj, të lutëm.

**Kryesuesi:** Theksoi se në fund i marrim edhe pëlqimet e shefave të grupeve.

**Simir Krasniqi:** Këtu dua të ndërlidhem me atë që, në fillim u bë gabimi i parë që nuk është marrë mendimi i grupit më të madh parlamentar. Ademi, ndoshta edhe pa ja dhanë fjalën e mori. Gabimi i dytë u bë që ai i propozoi dy emra. Po ashtu nuk e murr fjalën në emër të grupit, po si grup parlamentar i VV-së.

**Adem Shabanaj:** Unë e mora fjalën në emër të koalicionit. Për atë më falë nëse e kam marr pa rend unë fjalën. Por fjalën e kërkova me dorë, edhe kryesuesi ma dha fjalën për me fol. Nëse e kam bërë unë propozimin në emër të koalicionit. Edhe Shukri Quni e boni propozimin për AAK-në, dhe e propozoj Ilir Baldeden.

**Simir Krasniqi:** Është shkelje e rregullores ti bësh dy propozime.

**Sinan Alijaj (Nisma):** Propozoi me ja nisë nga fillimi, ceki se nuk bëhet kiameti dhe flaka si ka dal.

Kryesuesi pajtohet, dhe kërkoi nga grupet parlamentare ti japin propozime e tyre për anëtar të Këshillit.

**Simir Krasniqi:** Ne si grup parlamentar propozojmë Ilir Baldeden.

**Adem Shabanaj:** Nga LVV-je propozojmë Nazife Kokollari.

**Xhavit Ukaj (LDK):** Nga LDK-ja propozojmë Haziz Hodajn.

**AAK-ja:** Nga AAK-ja, propozojmë Ilir Baldedaj.

**Sinan Alijaj:** Nisma s'ka propozim po i mbështet dy kandidat të propozuar prej koalicionit qeverisës.

**KDTP:** nuk ka propozim.

**AVAKAT** nuk ishte prezent në sall.

**NDS-si** nuk ka propozim.

**Kryesuesi:** Nga propozimet e grupeve parlamentare janë tre anëtarë të këtij këshilli, Ilir Baldedaj, Nazife Kokollari dhe Haziz Hodaj. Tani përcaktohem për formën e votimit. Në raste të tilla kur janë vetëm dy përfaqësues, shkon me votim të hapur. Në raste kur janë tre votues, mundet të shkoj me votim të hapur, por një anëtar i Kuvendit ka të drejtë mi zgjedhë vetëm dy, jo të votoi për tre. Ose, mund të mos votoj hiq, është çështja e tij. Apo të formojmë një komision ku votimi të bëhet i fshehtë. Kërkoj mendimin e grupeve parlamentare për formën e votimit të ta zgjedhim.

**Alush Shala:** Edhe njëherë i nderuar kryesues. Le të shkojmë me dy propozime, me dy emra. Mos na shtini tash në votim, sepse dy kanë me shkua më tepër nuk ka mundësi. Le ta bëjnë marrëveshje në mes veti edhe le të shkojnë le ta qojnë një.

**Adem Shaban:** LVV-jaja propozoi që forma e votimit duhet të jetë veç e veç dhe dy anëtar më të votuar të shkojnë në këshillin e fshatit Zym.

**Haziz Hodaj:** Gjithashtu edhe ne pajtohemi që forma e votimit të jetë e hapur, sepse nuk ka nevojë me hy në procedura të votës së fshehtë. Renditja të bëhet në bazë të numrit të votave dhe të përcaktohen se kush është.

**Ilir Baldedaj:** Duke e pa egon e pushtetit, që ka kap gjithçka edhe me një këshill formal, unë tërhiqem nga kandidatura dhe i falënderoj... Sepse turpi është në asamble.

**Shukri Quni:** Mos ia jep fjalën tash. Shiko çka po të them. Nuk të kam propozua për mos mu zgjedh, të kam propozua për mu zgjedh. Jo me të qit aty pallavra me bo. Po me të zgjedh me shkua bashkë me Hazizin edhe me dhënë kontributin të dy bashkë.

**Simir Krasniqi:** Ne si grup parlamentar propozojmë një anëtar, një votë.

**Kryesuesi:** Është e pamundshme, dy anëtar zgjidhën. Nuk është e mundshme kjo, kur janë dy propozime.

**Ilir Baldedaj:** Shikoi procesverbalet ku kështu është votuar herën e kaluar. Unë kam qenë iniciues i themelimit të këtij Këshilli. Është propozua emri i parë. Kanë votua krejt ata kuvendarë. Ata që votojnë për emrin e parë, më s'kanë të drejtë të votojnë për emrin e dytë.

**Sinan Alijaj:** Propozoi që votimi të jetë i hapur për secilin kandidat veç e veç.

**Sencar Karamuço (KDTP):** Është ma demokratike të bëhet me votë të fshehtë. Se kështu s'bën, qysh ka mu votua, njëherë dy herë. S'po mundem me kuptua. Po është më mirë me krijua një komision prej tre vetëve le të përgatiten edhe le të kryhen procedurat.

**Skender Sallauka (PDK):** Theksoi se propozimin e parë Ademi e ka dhënë një votë për një anëtar. Ndoshta ka menduar diçka tjetër, mirëpo e kë thënë një këtë formë. Mund ta shikosh edhe incizimin. Unë ashtu e kamë kuptuar.

**Kryesuesi:** Këtu është gabim logjik në këtë rast një anëtar i kuvendit me votua një propozim. Atëherë ta zëmë se unë jam kandidat dhe i gjithë kuvendi po pajtohet me mu, të tjerët s'do të kenë zero vota. Si do të zgjidhet anëtari i dytë. Sido të jetë në raste të tilla votimi duhet të bëhet meqenëse janë dy propozime Kuvendi ka mundur ti bëjë 20 propozime për anëtar të këshillit, por vetëm dy kërkohen të votohen nga Kuvendi. Në qoftë se shkohet me votim të hapur, mund ti votoni një(1), dy(2), ose mund të zgjidhni mos të votoni. Por tre nuk mund të votohen.

**Memnuna Ajdini:** Mi se zalažemo za ovaj predlog. I smatramo da je to naj demokratski da na taj na in odlu ujemo. Dakle vaš predlog je validan.

**Samra Ilijazi (NDS):** Slažemo se.

Të nderuar anëtarë të Kuvendit, kemi dy forma për votime. Është propozimi për votim të fshehtë, që vetëm KDTP-ja e mbështeti. Dhe propozimi për votim të hapur. Në këtë rast edhe njëherë po e sqaroj, një anëtar i kuvendit mund ti votoj vetëm dy. Nuk mundim ta kufizojmë vetëm në një. Është çështje e vullnetit të ti, të vendos vetëm në një. Atëherë propozoj që të fillon votimi sipas propozimit të grupeve parlamentare.

Kush është për Ilir Baldedaj i propozuar nga PDK-ja, që të jetë anëtar i këshillit të fshatit Zym?

Për – 14.



Kush është për Nazife Kokollari e propozuar nga LVV-je, që të jetë anëtare e këshillit të fshatit Zym?

Për- 22.

Kush është për Haziz Hodaj i propozuar nga LDK-ja, që të jetë anëtar i këshillit të fshatit Zym?

Për- 22.

Atëherë me 22 vota për Nazife Kokollari dhe me 22 vota për Haziz Hodaj zgjidhen si anëtarë të Kuvendit që do të përfaqësohen në Këshillin e fshatit Zym.

Ilir Dedaj ka gjithsej 14 vota.

### **Pika e shtatë:**

**Shqyrtimi i propozimvendimit për dhënien në shfrytëzim të pronës komunale për bartjen e pjesshme të Ministrisë së Kulturës në Prizren.**

Të nderuar anëtarë të Kuvendit një njoftim dhe sqarim të shkurtë. Na është dorëzuar kërkesa nga Ministria e Kulturës, tek zyra e kryetarit lidhur me bartjen e pjesshme të Ministrisë. Duke u bazuar në kërkesën e Ministrisë së Kulturës, Rinisë dhe Sportit për komunën e Prizrenit, për ndarjen e lokacioneve që të bëhet bartja e sajë. Kuvendit komunal të Prizrenit, i është dhënë detyrë që ta votoj kërkesën për dhënien në shfrytëzim të pronës komunale. Fjala është për ish- objektin e “Farmakosit”, që ndodhet përball “Farmakosit” dhe fabrikës. Dhe si aneks shtesë apo si objekt shtesë kanë kërkuar edhe objektin e ish-Drejtorisë së Arsimit apo Rektoratin. Ne e kemi shqyrtuar kërkesën e Ministrisë së bashku me Sektorin e Pronës dhe zyrtarët e Kadastrit. Kemi parë që në momentin kur është kërkuar objekti i rektoratit, ajo ka qenë dhënë në shfrytëzim Universitetit të Prizrenit. Prandaj në materialet që i keni marrë, nuk janë përfshi parcelat dhe objekti i Rektoratit, sepse ajo veç se ka qenë në shfrytëzim. Universiteti nuk ka dhënë një përgjigje se a dëshiron ta mbaj në shfrytëzim, apo dëshiron ta liroj atë objekt. Në material e keni pas vendimin vetëm për parcelën e “Farmakosit”. Dhe menjëherë dy ditë para kësaj mbledhje, jemi njoftua me shkresë zyrtarisht nga Universiteti i Prizrenit, i cili thotë se është liruar Universiteti nga ajo hapësirë. Dhe se dy parcela ku është ai objekt bartën tek komuna e Prizrenit. Kërkoj nga Kuvendi që të bëhet plotësimi i këtij vendimi. Krahas parcelës së “Farmakosit” do të thotë objektit të “Farmakosit”, Kuvendi ta ketë parasysh si propozimvendim të futen edhe këto dy parcela ku ndodhet objekti i Drejtorisë së Arsimit. Meqenëse veç e kemi edhe njoftimin, dhe se nuk ka asnjë pengesë ligjore që ne të procedojmë dhe ta plotësojmë

kërkesën. Kaq sa për njoftim të shkurtër. Kërkoj deklarinimin e shefave të grupeve parlamentare.

**Simir Krasniqi:** Ne e mbështesim këtë projektpropozim, mirëpo kërkoi që nga dhjetë vite, koha e qëndrimit të shtyhet në njëzet vite.

**Shukri Quni:** Pyeti se a është fjala për ish-zyrat e drejtorisë, apo të zyrat tani ku i ka?

**Kryesuesi:** Ish zyrat e Drejtorisë së Arsimit, më sa jam unë i informuar.

**Quni:** Po mu duk se tha tek zyrat e drejtorisë.

**Kryesuesi:** Të ish zyrat e Drejtorisë së Arsimit dhe ku ka qenë i vendosur Rektorati i Universitetit të Prizrenit, pra në Shatërvan. Po mundohem me gjet këtu edhe numrin e parcelës, me qëllim që të jem i sekt dhe të mos gabojmë.

**Adem Shabanaj:** Edhe LVV-je e përkrahe dhe e mbështetë transferin e dy dikastereve të Ministrisë së Kulturës dhe do të voton pro. Pa marrë parasysh se PDK-ja e konsideron si Ministri të vetën. Mirëpo kjo me ndërrimin e qeverisë do të mbetet Ministri e përhershme në Prizren.

**Haziz Hodaj:** E mbështesim edhe ne.

**Ilir Baldedaj:** Ka qenë mirë që sponsoruesi i kësaj pike të rendit të ditës me qenë i pranishëm, gjegjësisht zyra e Kryetarit dhe drejtori i Administratës – Sektori i Pronës, të na shpjegoi se në çfarë forme pi jepet dhe të na tregoi në detaje për sa vite. Sepse ligji për dhëne në shfrytëzim është i paraparë. Nëse jepet në aftë të mesëm është dhjet deri në njëzet vjet. Nëse jepet në afat të gjatë është për nëntëdhjetenëntë vjet. Ne, sido që të jetë e mbështesim.

**Sinan Alijaj:** E mbështesim propozimin.

**Sencar Karamuço:** E mbështesim edhe ne.

**Memnjna Ajdini:** Tako e podržavamo predlog.

**Azem Durmiši:** Tako e podržavamo ovaj predlog.

**Kryesuesi:** Atëherë në pajtim me ligjin mbi dhënien në shfrytëzim të pronës komunale. Duke u bazuar në nenin 10 paragrafin 1 pikë 1, Kuvendi i komunës së Prizrenit, pajtohet me kërkesën e Kryetarit të komunës, që këto dy parcela...

**Ilir Baldedaj:** Kryesues, po bënë shkelje të rregullores. Nëse je duke u thirr në emër të Kryetarit e ke gabim. Del në foltore e fol si kuvendar, jo si kryesues me lexua propozimin e ekzekutivit.

**Kryesuesi:** Z. Baldedaj, kërkesën për dhënien në shfrytëzim të pronës komunale gjithmonë e bënë kryetari i Komunës. Të lutëm mos më ndërhy tjera herë. Lexoje ligjin mbi dhënien në shfrytëzim. Gjithmonë kërkesa për dhëne në shfrytëzim është kompetencë direkt e kryetarit, as e imja. Meqenëse materialet i keni pas, unë tash po e procedoj një kërkesë e cila ka bazë ligjore. Duke u bazuar në nenin 10, dhënia e pronës së paluajtshme të komunës në raste të veçanta, në paragrafin 1.1 kjo formë e dhënies në shfrytëzim bazohet tek kërkesa kur e kërkon këtë shfrytëzim institucionet të Republikës së Kosovës, në këtë rast Qeveria e Republikës së Kosovës, apo Ministria e Kulturës si dikaster i kësaj Qeverie jepet pa kompensim. Duke u bazuar në vendimin që e keni përball me këto kërkesa për plotësime, nëse pajtoheni e hedhim në votim këtë propozim.

**Simir Krasniqi:** Ne kërkuam që nga dhjetë vite të shtyhet njëzetë vite afati i shfrytëzimit të pronës, nga Ministria e Kulturës.

**Karanfil Haxhillari:** Theksoi se në dokumentet që i kemi ne , këtu është bërë një marrëveshje mes Kryetarit dhe Ministrisë së Kulturës, që shfrytëzimi i pronës të jetë për dhjetë vite. Në qoftë se ne hymë në detaje dhe përmirësime në marrëveshjen paraprake që është bërë, atëherë na nevojiten edhe disa javë për ta prurë në votim.

**Ilir Baldedaj:** Karanfil, kryetari me pas mundësi me ia dhënë, nuk e kish prurë në Kuvend. Për dhënien në shfrytëzim të pronës komunale është i vetmi institucion asambleja komunale që merr vendim, ku kryetari i komunës vetëm e zbaton. Për atë unë edhe pak më herët i thash kryesuesit në cilësinë e kujt po lexon rendin e ditës. A të ekzekutivit apo të legjislativit. Sepse ishte pikë e ekzekutivit dhe kryetari i komunës ka mund ta autorizoj një drejtorë dhe ta lexoi. Prandaj thash që je në kundërshtim me rregulloren, sepse ti nuk je ekzekutivi, ti je legjislativi.

**Kryesuesi:** Detyra ime është që ti procedoj pikat e rendit të ditë. Besoi që procedurat i dini, sepse jeni anëtarë të vjetër të Kuvendit, sidomos ju që po reagoni. Fjala është për dy propozime për afatin kohor të dhënies në shfrytëzim. Është propozimi për njëzet vite edhe është propozimi për dhjetë vite, ashtu siç është në dokument, në njoftimet që i keni marr.

**Haziz Hodaj:** Pasi që e kemi propozimin për dhjetë vite, nuk është problem me shkua edhe për njëzet vite. Mirëpo, po e japim për dhjetë vjet, me mundësi të vazhdimin të shfrytëzimit nëse i duhet Ministrisë së Kulturës.

**Alush Shala:** Theksoi se ne jemi të detyruar sa herë kërkon dikasteri më i lartë i Republikës së Kosovës, me ia plotësua kërkesat pa kompensim, përfshi

këtu edhe ambasadat e huaja. Ministria ka kërkuar për dhjetë vjet, mirëpo mundet edhe njëqind vjet me shfrytëzua, sepse është e drejtë e Ministrisë. Andaj, kërkoi ta hidhet në votim, dhe mos të zgjatet kjo çështje.

**Kryesuesi:** Duhet ta kemi parasysh se bartja e Ministrisë, i një dikasteri kaq të rëndësishëm qeveritarë në Prizren, është rast i parë nëse nuk gaboj, që ndodh në Republikë të Kosovës. Ku një dikaster qeveritarë, ministri, apo një pjesë e sajë bartet në një qytet tjetër nga kryeqyteti. Prandaj, nuk kemi shembull të kaluar se vendimi do të mbetet qëndrueshëm për qëndrimin e një organi të tillë. Edhe pse në rast se po të kishim siguri, ne për njëqind vjet po e votojmë. Por, gjithmonë duke pas parasysh privilegjet që i ka qeveria e Republikës së Kosovës, këto vazhdohen. Atëherë i propozoj Kuvendit, nëse pajtoheni të gjithë, afatin për dhëne në shfrytëzim po e bëjmë pesëmbëdhjetë vjet me mundësi vazhdimi. Do më thënë është e njëjta gjë, njëzet, dhjetë. Nuk ka rëndësi, sepse ai objekt në momentin kur lirohet, i kthehet si pronë komunale komunës, sepse është pronë e komunës. Nuk po shoh ndonjë problem këtu, në qoftë se pajtoheni.

**Shukri Quni:** Më vjen mirë, që po e vlerësoni mirë, që Ministrinë e pak prunë në Prizren. Se ai djali tha është e PDK-së. Ajo nuk është e PDK-së, por është e krejt popullatës. Andaj, duhet të mburremi që ka ardhur një Ministri në Prizren. Po ashtu më sa di unë edhe ministrin e parë e kemi shqiptar. Kështu që, jo dhjetë vite me dhanë në shfrytëzim, po të mbetet përgjithmonë. Sepse kur të vije dikush tjetër ndoshta atje, tërhiqet dhe e qojnë tjetër kund. Mos të harrojmë këtë. Të jetë për njëzet vite, se nuk bëhet nami për pesë vite. Pasi që ti shkove në pesëmbëdhjetë.

**Kryesuesi:** I propozoj Kuvendit që t'ia japim me aftë pesëmbëdhjetë vjet me mundësi vazhdimi. A jeni të pajtimit.

Kush për vendimin që të jepen në shfrytëzim këto parcelat, këto objekte Ministrisë së Kulturës, me pesëmbëdhjetë vite të dhënies në shfrytëzim.

Për?- 32.

Kundër? – 1.

Abstenim? – 1.

Me 32 vota për, 1 kundër dhe 1 abstenim Kuvendi merr vendim që ti ndahet prona e sajë Ministrisë së Kulturës. Urojmë që shumë shpejt komuna e jonë ta ketë Ministrinë e Kulturës këtu në Prizren.

**Pika e tetë:**

## **Shqyrtimi i propozimvendimit për formimin e komisionit vlerësues të pronës.**

Të nderuar anëtarë të Kuvendit, themelimi i komisionit vlerësues të pronës, është obligim ligjor që rrjedh nga Ligji për Dhënien në Shfrytëzim të Pronës Komunale. Kuvend ka obligim të merr vendim për themelimin e këtij komisioni. Kuvendi do të jetë i përfaqësuar me tre anëtarë, kurse ekzekutivi i komunës do të jetë me tre anëtarë tjerë dhe një anëtar ekspert nga shoqëria civile. Pra, është fjala për nenin 8 paragrafi 2. Si Kuvend jemi të obliguar ti japim propozimet, ti votojmë dhe ta formojmë këtë komision. Shkojmë me propozime të anëtarëve.

**Shukri Quni:** Mos propozoni asgjë, po krejt merrni ju, koalicioni qeverisës. Merrni vendime, votoni s'është problem. Ne tjerët po rrimë anash. Në rast se është në pyetje me votua, atëherë s'ka nevojë këtu me propozua asgjë, krejt ju merrni.

**Alush Shala:** Kërkoi që të definohet se kush ka të drejtë me pas anëtarë në këtë komision. Në bazë të rregullores që e kemi, ta përcaktoni se cili subjekt politik ka të drejt të jap propozime e cili nuk ka. Sepse nuk ka të drejtë të gjitha subjektet politike që përfaqësohen me një apo dy kandidat me pas edhe anëtarë në komision.

**Kryesuesi:** A kemi propozim nga PDK-ja për këtë komision? Po i marrim propozimet edhe po votojmë.

**Simir Krasniqi:** Do të ishte mirë ta marrim çelësin, mos ta bëjmë gabimin e njëjtë sikurse votimi para kësaj radhe. Më vjen keq për z. Ilir, që dy herë votuan për kandidatët e njëjtë. Atëherë ne si grup më i madh parlamentar nuk mundemi ta qojmë kandidatin tonë. Na ofroni çelësin edhe ne do të votojmë, sepse nuk është zgjidhje kjo. Shkon grupi më i vogël parlamentar e qon emrin dhe e merr shumicën aty edhe zgjidhet. Ne do të kërkojmë sqarime edhe të votimi në Zym të Hasit, se nuk ishte në rregull. Dy kandidat, aty u propozuan tre, dy shkuan me vota më të mëdha. Në këtë rast ne kërkojmë çelësin dhe votojmë.

**Kryesuesi:** Të nderuar anëtarë të Kuvendit, si kryesues po jap propozime për çelës, ato nuk po i pranoni. Unë ua dhashë për KPF-në, ju më thatë që nuk është në kompetencën time. Kurse tash po kërkoni çelës. Dakord shkojmë edhe me çelës, mirëpo, ju lutëm të mbajmë qëndrime korrekte.

**Ilir Baldedaj:** Unë të thash që nuk ke të drejtë me dhënë çelës të gjinisë mashkullore apo femërore. Sepse çelësin ma ka dhënë qytetari, që më takon një



anëtar në KPF. Po ti nuk ke të drejtë të thuash, a është mashkull apo femër. Këtë ta kom thënë dhe do ta përsëris edhe pesë milionë herë ,sepse ke bërë vendim skandaloz. Një kryesues i asamblesë komunale ia përcakton asamblesë, partisë politike kënd me dërgua. Këtë shembull inshallanë në nivel të Kosovës nuk e marrin si model formën tënde. Sa i përket çështjes së komisionit të pronës edhe në mandatin e kaluar të asamblesë komunale ka qenë komision i përbashkët i opozitës edhe i pozitës. Më kujtohet që prej LDK-së ka qenë Latif Dakaj, kanë qenë prej shoqërisë civile, prej ekzekutivit drejtorët. Për shkak se drejtorët marrin pjesë me automatizëm nga ekzekutivi. Kemi marrë pjesë edhe prej opozitës. Edhe me shefat e grupeve parlamentare është dashur të mbahet një takim kryesues, dhe mi sqarua këto gjëra. Jo me ardhur në këtë situatë çfarë kemi ardhur deri më tash. Po kjo tregon paaftësia për të qeverisë dhe për të menaxhua.

**Kryesuesi:** Jemi në proces të diskutimit, dhe kuvendi e voton çelësin, kuvendi i voton anëtarët, kuvendi i voton komisionet. Nuk është që morëm ndonjë vendim. Po diskutojmë për këto gjë.

**Haziz Hodaj:** Ne u dakordua që tre anëtarë të komisionit të zgjedhën një nga LVV-ja, një nga PDK-ja, dhe një nga Nisma. Ne hoqëm dorë në mënyrë që njeri prej drejtorëve, ose nënkryetari i jonë me marrë pjesë në komision nga ekzekutivi. Do të jemi në komisionin tjetër vlerësues pastaj.

**Kryesuesi:** Atëherë, propozimi do të jetë ky, nëse pajtoheni dhe nëse nuk ka dikush diçka me shtua. Një propozim le të jetë nga PDK-ja, një propozim nga LVV-ja, një propozim le ta bënë LDK-ja për Nismën. A ka grupe tjera që dëshirojnë të bëjnë propozime?

**Ilir Baldedaj:** Kryesues, sinqerisht po më vjen keq, në çfarë niveli ke ra. Paramendo LDK-ja me propozua emrin e Nismës. Grupi më i madh i ka tre anëtarë në KPF, ndërsa në komision të pronës duhet ta ketë një anëtar. AAK-ja është grupi më i madh se sa Nisma me votë. Nuk është bre kjo fontanë dëshirash, as qylhan nuk është këtu. Janë rregulla të shkruara. Katër vjet ke qenë këtu kryesues dhe po merresh me këso çështje.

**Behar Begaj:** Unë pajtohem plotësisht me Ilir Baldeden. Me shumë të drejtë ta tha këtë fjalë që nuk është fontanë dëshirash. Kryesues do të ishte mirë të shkojmë me propozime dhe të votohet për secilin kandidat. Pavarësisht se nga cili subjekt vjen.

**Simir Krasniqi:** Ne nuk pajtohemi me propozime. Si grup parlamentar, mos të na ndodh si votimi i mëhershëm. I propozojmë tre emra, ose i votojmë ose merret vendim për këta tre emra dhe u krye puna.

**Kryesuesi:** Atëherë propozimet le ti bëjnë subjektet sipas numrit të fuqisë në Kuvend. Pra tre subjektet e para, po vendosim si çelës. PDK-ja ta bëjë propozimin e vetë. VV-ja ta bëjë propozimin e vetë dhe LDK-ja ta bëjë propozimin e vetë si anëtarë të kuvendit.

**Simir Krasniqi:** Nga PDK-ja për anëtar propozohet Kastriot Krasniqi.

Grupi parlamentar i LVV-së e propozon Adem Shabanajn në këtë komision.

**Haziz Hodaj:** S'po di për cilin komision është duke u fol tash.

**Kryesuesi:** Për komisionin vlerësues të pronës.

**Hodaj:** Ne i kemi dy komisione. Njëri është për çështje të pronës, tjetri është komisioni vlerësues. Ne a u morëm vesh paraprakisht që ne me heq dorë prej këtij komisioni, për me qenë pjesë e komisionit për ankesa. Nëse është e mundur me qenë mashkull shkon Petrit Hoxha. Nëse është ai çelësi i domosdoshëm, atëherë e kemi Kujtesën, si alternativë, është juriste edhe le të jetë në komisionin vlerësues. Po varësisht prej kuotës gjinore në komision. Por propozimin e parë është Petriti.

**Baldedaj:** Nëse Nisma ka të drejtë, atëherë AAK-ja para Nismës ka të drejtë me pas anëtarë. Jo LDK-ja me propozua emrin e Nismës. Nuk njih ligji koalicion o Karanfil Haxhifazliu.

**Kryesuesi:** AAK-ja a ka propozim për anëtarë të komisionit vlerësues.

**Baldedaj:** Agnesa Sinani.

**Kryesuesi:** Nisma për Kosovën, a ka propozim.

Nga Nisma propozojmë Ganimete Hoxhën.

**Kryesuesi:** Nga KDTP a ka propozim?

KDTP-ja nuk ka.

**Simir Krasniqi:** Kryesues, a jemi duke e respektuar rregulloren, a fontanë dëshirash këtu po shkojmë. Nuk e di unë qysh, grupi parlamentar i PDK-së, shkon me grupin parlamentar të LVV-së. 13 ne i kemi, ju 7, LDK-ja 4, a 6, sa i ka. Katër paskit me ra baca Haziz. Nuk është në rregull kjo. O ta respektojmë rregulloren...

**Kryesuesi:** Unë e dhashë propozimin, nuk u pranua dhe u kritikua. Shkojmë në formën klasike. Secili grup parlamentar le ta jep një propozim të vetin. Tre anëtarë të cilët marrin vota shkojnë në komisionin vlerësues. Ju lutëm shkojmë me procedurën.

**Simir Krasniqi:** Nuk pajtohem me këtë.

**Haziz Hodaj:** Po më duket se u ngatërrua çështja e propozimit tim. Në komisionin vlerësues le të shkojmë dy anëtarë nga koalicioni qeverisës, një nga opozita. Këtu u dhanë propozimet prej VV-së edhe prej Nismës. Edhe ju një propozim edhe shkojmë tutje. Mos ta ngatërrojmë, kjo është skema. Propozimet tjera e ngatërrojnë votimin mandej.

**Ilir Baldedaj:** Haziz, sinqerisht je duke më befasua ti sot. Ose të ka trullav koalicioni, s'je në tokë të bukë. Kërkoj pesë minuta pauzë, që të konsultoheni me zyrtarin ligjor, në mënyrë ai ti përcakton rregullat.

**Kryesuesi:** Z. Baldedaj faleminderit, dhe ju lutëm le të jetë hera e fundit, që merret fjala pa u lyp. Gjithë do të flisni po lypeni fjalën, për shkak të procesverbalit. Është dhënë një propozim, për formën e propozimit nga Haziz Hodaj, i cili propozoj Kuvendit që të shkohet me dy anëtarë të koalicionit qeverisës. Pra një nga LVV-je, një nga Nisma. Dhe një anëtarë nga grupi parlamentar më i madh. Kërkoj nga shefat e grupeve ti japin deklaratimet e tyre, a pajtohen me formën e propozuar nga kuvendari Haziz Hodaj.

**Simir Krasniqi:** Kërkoj pesë minuta pushim, në mënyrë që të konsultohemi me zyrtarin ligjor. Ne nuk mund të veprojmë në këtë mënyrë pa u konsultuar me zyrtarin ligjor.

**Kryesuesi:** Mirë, atëherë po i marrim pesë minuta pushim.

Pas pauzës.

**Kryesuesi:** Të nderuar anëtarë të Kuvendit, pas konsultimit me tre grupet me të mëdha në Kuvend, u pajtuam që propozimet të bëhen nga këto tre grupe në Kuvend. Ftoj përfaqësuesin nga PDK-ja që ta bëjë propozimin.

**Simir Krasniqi:** Nga PDK-ja për komisionin vlerësues të pronës propozojmë Kastriot Krasniqin.

**Karanfil Haxhillari:** Grupi i LVV-je për komisionin vlerësues për pronë, e propozon Adem Shabanaj.

**Haziz Hodaj:** LDK-ja, e propozon Ganimete Hoxhën.

**Kryesuesi:** Atëherë, ftoj Kuvendin që për anëtarë të komisionit vlerësues të pronës të votoj për propozimet: Kastriot Krasniqi, Adem Shabanaj dhe Ganimete Hoxha.

Për? – 29.

Kundër? – 3.

Abstenime? – S’ka.

Konstatohet se me shumicë votash për, 3 kundër dhe asnjë abstenim, formohet komisioni vlerësues i pronës dhe do të plotësohet me propozimet nga ekzekutivi.

**Pika e nëntë:**

**Shqyrtimi i propozimvendimit për formimin e Komisionit të ankesave.**

Po ashtu propozoj që edhe në këtë komision të shkojmë me tre anëtarë të përfaqësuar nga subjektet më të mëdha, që ti bëjnë propozimet e tyre. Pra Kuvendi duhet ti zgjedh tre anëtar. Ftoj përfaqësuesin e PDK-së që të bëjë propozimin

**Simir Krasniqi:** Nga grupi parlamentar i PDK-së për formimin e komisionit për ankesa propozojmë Shkodran Kryeziun.

**Karanfil Haxhillari:** Nga grupi parlamentar i LVV-je, për komision për ankesa e propozojmë Ilir Gashin.

**Haziz Hodaj:** Petrit Hoxhën.

**Kryesuesi:** Kërkoj që të bëhet një anëtare femër, sepse tre anëtarët janë meshkuj.

**Haziz Hodaj:** Atëherë ne po tërhiqemi dhe le të jetë Kujtesa Kabashi.

**Kryesuesi:** Atëherë, ftoj Kuvendin që për anëtarë të komisionit për ankesa të votoj për propozimet: Shkodran Kryeziu, Ilir Gashi dhe Kujtesa Kabashi.

Për? – 29.

Kundër? – 3.

Abstenim? – S’ka.

Konstatohet se me shumicë votash për, 3 kundër asnjë abstenim, kalon dhe formohet komisioni i ankesave me këta emra.

**Pika e dhjetë:**

**Shqyrtimi i Propozimitvendimit për dhënien e pronës komunale në shfrytëzim pa kompensim, kompanisë KEDS-it.**

**Kryesuesi:** Theksoi se është fjala për dhënien e një hapësire në shfrytëzim kompanisë KEDS, afër objektit kolektiv në Petrovë, për banesë sociale të cilat janë nda, me qëllim të ndërtimit të një trafostacioni. Dhe parcela tjetër pak më larg, për ndërtimin e një shtylle të tensionit të lartë, me qëllim që ta bëjë furnizimin e rrymë të këtij trafostacioni. Besoj që çdo gjë është e çartë. A ka dikush diçka të shtoj lidhur me këtë pikë? Nëse jo atëherë ftoj shefat e grupeve të deklarojnë për propozimin, për dhënien në shfrytëzim të pronës komunale, për raste të veçanta. Me qëllim të investimit në sektorin e energjisë.

**Simir Krasniqi:** Grupi parlamentar i PDK-së e përkrah propozimvendimin për dhënien në shfrytëzim KEDS-it.

**Adem Shaban:** Edhe LVV-je e mbështet.

**Haziz Hodaj:** Edhe ne e përkrahim.

**Illir Baldedaj:** Të gjitha kërkesat që janë në interes të qytetarëve ne do ti mbështesim.

**Sinan Alijaj:** Kërkoi nga kryesuesi sqarime sa i përket kompanisë KEDS. A është fitimprurës, në kuptimin e vet si kompani. Në qoftë se ajo është fitimprurëse nga ana e vetë të interesit, atëherë nuk e shoh të arsyeshme, me krijua asaj privilegj në dëm të interesit të qytetit. Se secili tash kur ta shikojmë, vendi jonë është krijuar një lloj matrapazllëku. Pavarësisht cilat janë kategoritë edhe karakteret e interesit ndaj këtij vendi. Unë mendoj që duhet edhe njëherë të shqyrtohet mirë. Në qoftë i ofron KEDS-i atyre familjeve që janë aty me gjendje social benificione, që ata mos me pagua dhe me pas lehtësira. Gjatë krejt asaj marrëveshje sa KEDS-i, atëherë jam dakord. Ky ke vetëm një sugjerim i imi.

**Kryesuesi:** Veç një njoftim të shkurtë për aq sa di, munden me më ndihmua këtu edhe anëtarët e kuvendit të cilët kanë qenë në mandatet e kaluara. Fjala është për një projekt të komunës së Prizrenit, i cili ka bërë një ndërtim të banesave kolektive. Me qëllim të shpërndarjes së tyre, për familjet e varfëra, për familjet e dëshmorëve të kategorive të luftës. Deri tash ai projekt nuk ka mund mu përfundua në kuptimin e zhvendosjes së familjeve me fillua me banua aty. Pikërisht për shkak se nuk ka pas lidhje me trafostacione, furnizim me energji elektrike. Me qëllim që të bëhet kjo, KEDS-i ka kërkuar që ti ndahet një hapësirë për ta ndërtuar trafostacionin, që të furnizoj me rrymë. Si dhe një hapësirë tjetër për vendosjen e një shtylle elektrike për ta bërë lidhjen me



trafostacion. Po flas gjithmonë në bazën e informatave që i kam. Besoj që me këtë vendim të Kuvendit, ky projekt i cili është nga qeverisjet e kaluara, do të përfundoj. Dhe banorët të cilët janë të përzgjedhur do ta gëzojnë shfrytëzimin e të mirave që ju ka dhënë komuna në këtë rast. Ftoj për fund Vakatin.

**Memnuna Ajdini:** Pa sve što se kosi sa zakonom, a u interesu je gra ana. Svakako da emo podržati.

**Sencar Karamuçi:** Për sa vite, a është e përhershme, a është e përkohshme?

**Kryesuesi:** Kjo jepet në shfrytëzim afatgjatë për nëntëdhjetenëntë vjet. Ndërsa është 15 metra katrorë nëse nuk gaboi. Më qenë se llogaritet gjithmonë dhënie në shfrytëzim për raste të veçanta, investime në sektorin e energjisë.

**Azem Durmişi:** I partia NDS-i e podržati predlog.

**Kryesuesi:** Para se të shkojmë në votim do të ishte mirë që si Kuvend, ne ti bëjmë një kërkesë KEDS-it, që në të ardhmen të gjitha rastet e tilla ti evidentoj paraprakisht. Aty ku dëshiron të ndërtoj trafostacione më qëllim të furnizimit me rrymë të komunitetit dhe ta bëjë një plan më afatgjatë. Ta bie në Kuvend, për të gjitha parcelat ne të marrim një vendim. Kështu do të ishte forma më e mirë se sa të marrim vendime kështu copa, copa. Vazhdojmë me proces të votimit për dhënien në shfrytëzim të pronës komunale KEDS-it, për këtë qëllim.

**Alush Shala:** Nuk mundet me shkua me një kërkesë të tillë, sepse në bazë të ndërtimeve që ndodhin në komunën tonë, aty ku paraqiten nevojat të ata. Ai nuk ka mundësi të bëjë një planifikim për dhjetë vjet. Këtu ta bënë një, këtu një. Për atë sa herë ata kanë nevojë, dhe sa herë ka nevojë komuniteti i jonë, ne duhet respektuar.

**Kryesuesi:** Fjala është për rastet të cilët e kanë ndërtua por nuk e kanë marrë pronën në shfrytëzim të lejuar prej Kuvendit. Ka edhe raste të tilla, e që do ti procedojmë ne në këtë mandat.

**Skender Sallauka:** Mos jemi duke e bërë ndonjë gabim që po ja japim për nëntëdhjetenëntë vjet. Nuk e di për sa e ka në shfrytëzim KEDS-i distribuimin e rrymës. Nëse e ka ai p.sh. për njëzet vjet, tridhjetë vjet, e ja japim për nëntëdhjetenëntë vjet. Tash ne si asamble mos po bina keq. Ose ta shkruajmë, afatin kohor me ditë saktë. A kemi të drejtë ne mi thënë nëntëdhjetenëntë vjet, kur ai nuk mund me qenë këtu nëntëdhjetenëntë vjet.

**Kryesuesi:** Po është në kompetencën e Kuvendit përcaktimi i kohës së dhënies në shfrytëzim. Ta keni parasysh që është banesë dhe kur është ndërtuar,

është planifikuar që të qëndroj një kohë të gjatë. Trafipstacioni aty duhet të jetë për furnizim me energji elektrike. A kemi ndonjë sugjerim nga zyra ligjore.

**Sallauka:** Në dokumente e ke të KEDS-it. Pas një periudhe kohore, dikush mundet me na akuzua, me thënë kjo pronë është e imja. Edhe pse mund me qenë me një shtet tjetër, thotë pronën ti ma ke dhënë si Kuvend komunal, tash s'mund të ma merr.

**Kryesuesi:** Të nderuar anëtarë të Kuvendit, kërkesa është bërë së bashku me Sektorin e Pronës. Fjala është për pronën e cila është në pronësi të Komunës së Prizrenit. Aty është përcaktuar edhe parcela, e cila nuk ka më dilema këtu që, është në pronën e komunës së Prizrenit. Më qenë se është pronë e komunës, vetëm Kuvendi komunal ka të drejtë me marrë vendim për dhënien në shfrytëzim të pronës komunale.

**Haziz Hodaj:** Theksoi se është mirë të sanksionohet, që Kuvendi të ketë të drejtë edhe me shfuqizua këtë vendim, në qoftë se e sheh që nuk është në shfrytëzim të qytetarëve apo të atyre banorëve. Është problematike, sepse kompanitë e huaja që shkojnë, mandej thonë, kemi pronë.

**Kryesuesi:** Të nderuar anëtarë të Kuvendi, është nën mandatin e Kuvendit ta përcaktoj periudhën kohore.

**Ilir Baldedaj:** Nëse Sektori i Pronës e ka pru lëndën, ata e dinë më së miri. Edhe në mandatin e kaluar kjo asamble e ka dhënë në të njëjtën formë, ku edhe vetë z. Hodaj ka votua në të njëjtën formë për nëntëdhjetenëntë vjet. Trafot e KEDS-it, mbasin në Kosovë edhe nëse i jepen dikujt tjetër. Cili do që vjen do ti ketë ato në shfrytëzim. Do më thënë nuk është rasti i parë. Kemi pas rast në Landovicë e gjithkrah, herën e kaluar.

**Kryesuesi:** Z. Baldedaj, cili është propozimi i juaj, për nëntëdhjetenëntë vite apo? Në qoftë se në material nuk përcaktohet afati për dhënie në shfrytëzim, ky vendim nuk është valid. Duhet Kuvendi ta përcaktoj afatin, sa vite po e japim në shfrytëzim. Kërkoi të japin propozime se për sa vite po shkojmë.

**Sallauka:** Deri sa qytetaret të keni nevojë.

**Baldedaj:** Skend ligji për dhënien në shfrytëzim e ka të përcaktuar në afatmesëm dhe afatgjatë. Nuk mundesh ti më thënë derisa ata kanë nevojë. Të gjitha vendimet e mëhershme që janë dhënë, kanë shkua në afatgjatë. Në Landovicë e ke vendimin ka qenë me afatgjatë nëntëdhjetenëntë vjet, ku unë kam qenë sponsorues i asaj pike.

**Karanfil Haxhillari:** Po e shoh këtu që është në pyetje 15 metër katror. Edhe ne mundemi me procedua me një klauzolë shtesë. Ta potencojmë që kjo pronë e komunës është në shfrytëzim të KEDS-it, derisa nuk ndërrohet destinacioni i kompanisë në fjalë.

**Kryesuesi:** Atëherë unë i propozoj Kuvendit që si periudhë kohore, meqenëse është kërkesë ligjore ta bëjmë për katërdhjetë vite me mundësi vazhdim. Meqenëse është objekt kolektiv, që do të qëndroj një kohë të gjatë dhe do ta furnizoj me energji atë pjesë. Kuvendi pajtohet dhe merr vendim që afati kohor të jetë për katërdhjetë vite, me mundësi vazhdimi në të ardhmen, për dhënien në shfrytëzim të pronës komunale. Ftoj Kuvendin ta hedh në votim këtë propozimvendim.

Kush është për? – Të gjithë.

Kundër? – S’ka.

Abstenim? – S’ka.

Atëherë konstatojmë se unanimisht aprovohet propozimvendimi për dhënien e pronës komunale në shfrytëzim pa kompensim, kompanisë KEDS-it. Më qëllim të ndërtimit të trafostacionit dhe shtyllës elektrike.

Përfundoi në orën 15:10.

Procesmbajtës;  
Sehat Krasniqi

Kryesuesi i Kuvendit  
Artan Abrashi